

SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina III - Broj 8

Srijeda, 6. aprila/travnja 1994.
SARAJEVO

Za svaki broj posebno se
utvrđuje cijena
Žiro-račun 10100-603-1396

127

Na osnovu člana 209. tačka 5. stav 1. alineja 1. i člana 286. tačka 5. Ustava Republike Bosne i Hercegovine - Prečišćeni tekst ("Službeni list RBiH", broj 5/93), Skupština Republike Bosne i Hercegovine, na zajedničkoj sjednici Skupštine održanoj 30. marta 1994. godine u Sarajevu, donosi

ODLUKU

O PROGLAŠENJU USTAVNOG ZAKONA O IZMJENAMA I DOPUNAMA USTAVA REPUBLIKE BOSNE I HERCEGOVINE

Proglašava se Ustavni zakon o izmjenama i dopunama Ustava Republike Bosne i Hercegovine, koji je usvojila Skupština Republike Bosne i Hercegovine na zajedničkoj sjednici Skupštine održanoj 30. marta 1994. godine.

SKUPŠTINA REPUBLIKE BOSNE I HERCEGOVINE

S broj 182/94
30. marta 1994. godine
Sarajevo

Predsjednik
Skupštine RBiH,
Miro Lazović, s. r.

USTAVNI ZAKON

O IZMJENAMA I DOPUNAMA USTAVA REPUBLIKE BOSNE I HERCEGOVINE

Član 1.

Zasnovano na suverenitetu i teritorijalnom integritetu Republike Bosne i Hercegovine, Bošnjaci i Hrvati, kao konstitutivni narodi (zajedno sa ostalima) i državljani Republike Bosne i Hercegovine, ostvarujući svoja suverena prava, mogu transformisati unutrašnju strukturu teritorija sa većinskim bošnjačkim i hrvatskim stanovništvom u Republici Bosni i Hercegovini u Federaciju Bosne i Hercegovine, koja se sastoji od federalnih jedinica sa jednakim pravima i odgovornostima. Odluke o eventualnim promjenama ustavno-pravnog statusa teritorija Republike Bosne i Hercegovine sa većinskim srpskim stanovništvom biće donesene u toku pregovora o miru na Konferenciji o bivšoj Jugoslaviji.

Član 2.

Ustav Federacije Bosne i Hercegovine usvojiće i objaviti Ustavotvorna skupština, koja će se sastojati od onih predstav-

nika koji su u Skupštinu Republike Bosne i Hercegovine izabrani na izborima 1990. godine, a čiji je mandat još uvijek važeći.

Usvajanje Ustava Federacije Bosne i Hercegovine će zahtijevati dvotrećinsku većinu Ustavotvorne skupštine, uključujući konsenzus između većine članova delegacije hrvatskog naroda, koja se sastoji od svih predstavnika hrvatske nacionalnosti i delegacije bošnjačkog naroda, koja se sastoji od svih predstavnika bošnjačke nacionalnosti.

Ustav Federacije Bosne i Hercegovine će stupiti na snagu u ponoć kada je usvojen od strane Ustavotvorne skupštine.

Član 3.

Ustavotvorna skupština donijeće poslovnik kojim će se bliže utvrditi način rada Ustavotvorne skupštine i postupak za donošenje Ustava Federacije Bosne i Hercegovine.

Član 4.

Skupština Republike Bosne i Hercegovine, izabrana 1990. godine, nastaviće sa svojim radom prema nadležnostima utvrđenim u Ustavu Republike Bosne i Hercegovine tako dugo dok ne bude postignut i primjenjen konačni mirovni sporazum o Bosni i Hercegovini.

Predsjedništvo Republike Bosne i Hercegovine i Vlada Republike Bosne i Hercegovine će zadržati svoje nadležnosti u skladu sa postojećim Ustavom Republike Bosne i Hercegovine tako dugo dok ne bude postignut i primijenjen konačni mirovni sporazum o Bosni i Hercegovini, s tim da te nadležnosti ne smiju zadirati u nadležnosti državnih organa uspostavljene u skladu sa Ustavom Federacije Bosne i Hercegovine.

Do postizanja primjene konačnog mirovnog sporazuma o Bosni i Hercegovini, Vlada Republike Bosne i Hercegovine, rekonstruisana u skladu sa Ustavom Federacije Bosne i Hercegovine, vršiće i funkcije Vlade Federacije Bosne i Hercegovine.

Član 5.

Međunarodni odnosi Federacije Bosne i Hercegovine vršiće se u okviru međunarodnog subjektiviteta, teritorijalnog integriteta i kontinuiteta Republike Bosne i Hercegovine.

Nadležnosti Federacije Bosne i Hercegovine utvrđene Ustavom Federacije Bosne i Hercegovine koje se odnose na međunarodni subjektivitet i teritorijalni integritet Republike Bosne i Hercegovine primjenjivaće se nakon završetka mirovnog procesa za Bosnu i Hercegovinu.

Član 6.

Članovima 1. do 5. ovog ustavnog zakona dopunjuje se Ustav Republike Bosne i Hercegovine - Prečišćeni tekst ("Službeni list RBiH", broj 5/93).

Član 7.

U Ustavu Republike Bosne i Hercegovine - Prečišćeni tekst riječ "Muslimani", u različitim padežima, zamjenjuje se riječju "Bošnjaci", u odgovarajućem padežu.

Član 8.

Ovaj ustavni zakon stupa na snagu kada ga proglasi Skupština Republike Bosne i Hercegovine i čini sastavni dio Ustava Republike Bosne i Hercegovine - Prečišćeni tekst.

128

Na osnovu člana 219. stav 1. tačka 10. Ustava Republike Bosne i Hercegovine - Prečišćeni tekst ("Službeni list RBiH", broj 5/93), Predsjedništvo Republike Bosne i Hercegovine, donosi

UKAZ

**O PROGLAŠENJU ZAKONA O RATIFIKACIJI
PRELIMINARNOG SPORAZUMA O OSNIVANJU
KONFEDERACIJE IZMEĐU FEDERACIJE BOSNE I
HERCEGOVINE I REPUBLIKE HRVATSKE**

Prolašava se Zakon o ratifikaciji Preliminarnog sporazuma o osnivanju Konfederacije između Federacije Bosne i Hercegovine i Republike Hrvatske, koji je donijela Skupština Republike Bosne i Hercegovine na zajedničkoj sjednici Skupštine od 28., 29. i 30. marta 1994. godine.

PR broj 1627/94
30. marta 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

**O RATIFIKACIJI PRELIMINARNOG SPORAZUMA
O OSNIVANJU KONFEDERACIJE IZMEĐU
FEDERACIJE BOSNE I HERCEGOVINE
I REPUBLIKE HRVATSKE**

Član 1.

Ratifikuje se Preliminarni sporazum o osnivanju Konfederacije između Federacije Bosne i Hercegovine i Republike Hrvatske, kojeg je u ime Republike Bosne i Hercegovine potpisao predsjednik Predsjedništva Republike Bosne i Hercegovine 18. marta-ožujka 1994. godine u Vašingtonu, Sjedinjene Američke Države.

Član 2.

Preliminarni sporazum iz člana 1. ovog zakona nalazi se u prilogu ovog zakona i čini njegov sastavni dio.

Član 3.

Ovaj zakon stupa na snagu danom donošenja, a objaviće se u "Službenom listu RBiH".

S broj 178/94
30. marta 1994. godine
Sarajevo

Predsjednik
Skupštine RBiH,
Miro Lazović, s. r.

**PRELIMINARNI SPORAZUM O OSNIVANJU
KONFEDERACIJE**

**IZMEĐU
FEDERACIJE BOSNE I HERCEGOVINE
I REPUBLIKE HRVATSKE**

Federacija Bosne i Hercegovine (u daljem tekstu: "Federacija") i Republika Hrvatska (u daljem tekstu: "Hrvatska") složili su se da:

Član 1.

Predviđa se da će se Konfederacija osnovati između Federacije i Hrvatske (u daljem tekstu: "strane").

Član 2.

Osnivanje Konfederacije neće promijeniti međunarodni identitet i pravni subjektivitet ni Hrvatske ni Federacije.

Član 3.

(1) Strane će osnovati Konfederativni savjet da bi koordinirale svoje politike i aktivnosti unutar Konfederacije. Svaka strana će imati jednak broj članova u Savjetu. Odluke Savjeta će zahtijevati saglasnost većine članova svake strane.

(2) Predsjednika Konfederativnog savjeta biraće Savjet za period od jedne godine, a rotiraće se među članovima Savjeta svake strane.

Član 4.

Strane će utvrditi unutrašnja pravila i zaključiti sporazume u svrhu poduzimanja progresivnih koraka ka njihovoj ekonomskoj saradnji, kako je navedeno u ovom članu, sa ciljem osnivanja zajedničkog tržišta i monetarne unije kada uslovi budu odgovarajući.

(1) Strane će odmah uspostaviti saradnju i razvoj zajedničkih politika u slijedećim oblastima:

- Transport,
- Energija,
- Zaštita čovjekove okoline,
- Ekonomska politika, uključujući zakone i propise kojima se reguliše razvoj slobodnog tržišta, finansija i carina,
- Obnova ekonomije,
- Zdravstvena zaštita,
- Kultura, nauka i obrazovanje,
- Standardizacija proizvoda i zaštita potrošača,
- Migracija, imigracija i azil,
- Sprovođenje zakona, posebno protiv terorizma, nezakonitog trgovanja drogom, organizovanog kriminala i krijumčarenja.

(2) Strane će se konsultovati u vezi uspostavljanja progresivnih mjera tokom narednih godina:

- Oblast slobodne trgovine kojom se obezbjeđuje slobodno kretanje roba domaćeg porijekla,
- Carinska unija,
- Zajedničko tržište u kome će se kretati slobodno robe, usluge, kapital i radna snaga i
- Monetarna unija.

Član 5.

Hrvatska i Federacija će se sporazumjeti, što je moguće prije, u vezi odbrane i odbrambenih aranžmana, uključujući koordinaciju odbrambene politike i uspostavljanje zajedničke komande u slučaju rata i neposredne ratne opasnosti za obje strane.

Član 6.

Strane će zaključiti slijedeće sporazume, što je moguće prije:

(i) Hrvatska će obezbijediti Federaciji nesmetani pristup Jadranu kroz Hrvatsku, kako je navedeno u Aneksu I, ovoga sporazuma i

(ii) Federacija će obezbijediti Hrvatskoj nesmetani prolaz kroz Neum, kako je navedeno u Aneksu II ovoga sporazuma.

Ovi sporazumi će se zaključiti između Republike Hrvatske i Republike Bosne i Hercegovine.

Član 7.

Ovaj sporazum će stupiti na snagu nakon potpisivanja i ostaće na snazi dok se strane drugačije ne dogovore.

Dana 18. marta 1994. godine u Vašingtonu, SAD u tri primjerka, po jedan na engleskom, bosanskom i hrvatskom jeziku, od kojih će svaki biti jednako autentičan.

Mi ovim potvrđujemo priloženi tekst "Preliminarnog sporazuma o osnivanju Konfederacije između Federacije Bosne i Hercegovine i Republike Hrvatske", kako je dogovoreno na sastanku Prelaznog odbora na visokom nivou u Beču od 4. do 14. marta 1994. godine.

Preliminarni sporazum ustanovljava niz progresivnih koraka u ekonomskoj saradnji Federacije i Hrvatske sa ciljem osnivanja Konfederacije. Sporazumu su priloženi ugovori koji

obezbjeduju Federaciji nesmetani pristup Jadranu i Hrvatskoj nesmetani prolaz kroz Neum.

Poduzet ćemo sve napore da omogućimo stupanje na snagu Preliminarnog sporazuma, u kontekstu sveukupnog rješenja za regiju.

Franjo Tuđman, s. r.

Alija Izetbegović, s. r.

Vašington, SAD

18. mart 1994.

ANEKS I

SPORAZUM KOJIM SE OBEZBJEDUJE FEDERACIJI BOSNE I HERCEGOVINE PRISTUP JADRANU KROZ TERITORIJU REPUBLIKE HRVATSKE

Republika Hrvatska (u daljem tekstu: "Hrvatska")

Federacija Bosne i Hercegovine (u daljem tekstu: "Federacija")

SMATRAJUĆI da je poželjno da Federacija ima obezbijeden i nesmetan pristup Jadranskom moru na kopnu i u zraku kroz i preko teritorije Hrvatske u saglasnosti sa Konvencijom Ujedinjenih naroda o Zakonu o moru iz 1982. godine i Konvencijom o tranzitu zemalja koje nemaju izlaza na more iz 1965. godine.

OVIM SE SLAŽU:

Član 1.

a) Hrvatska će iznajmiti Federaciji, za vrijeme trajanja ovoga sporazuma, komad zemljišta u Luci Ploče, uključujući pristaništa i dijelove Luke koji njima pripadaju, a koji su opisani u Aneksu na ovaj sporazum (u daljem tekstu: "iznajmljeno područje").

b) Hrvatska se slaže da iznajmljeno područje uživa status slobodne zone u kojoj se neće primjenjivati carine ili takse koje uspostavlja Hrvatska.

Član 2.

a) Hrvatska će odobriti pristup ka i od iznajmljenog područja:

(i) Brodovima sa Jadranskog mora kroz teritorijalne vode Hrvatske, pod uslovom da ti brodovi odgovaraju primjenljivim međunarodnim propisima i unutrašnjem zakonu usvojenom prema međunarodnim zakonima, ukoliko ovi nisu u suprotnosti sa svrhom i odredbama ovoga sporazuma.

(ii) Brodovima ili šlepovima uz rijeku Neretvu do tačke gdje rijeka utiče u teritoriju Federacije.

(iii) Željeznicom na liniji između Ploča i Sarajeva do tačke gdje ta željeznica ulazi na teritoriju Federacije.

(iv) Cestom između Ploča i Sarajeva do tačke gdje ta cesta ulazi na teritoriju Federacije.

b) Brodovima, šlepovima, željezničkim vagonima, kamionima i ostalim cestovnim vozilima, koristeći pravce iz paragrafa (a), a koji imaju oznake Federacije, neće pristupati niti će ih kontrolisati službene vlasti Hrvatske.

c) Ograničenje veličina i specifikacije karakteristika brodova, šleпова, željezničkih vagona, kamiona i ostalih cestovnih vozila iz paragrafa (b), kao i obim saobraćaja na pravcima iz paragrafa (a), određivaće zajednička komisija koja će se osnovati prema članu 4.

d) Ukoliko ograničenja, ustanovljena prema paragrafu (c), smanjuju obim saobraćaja koga Federacija smatra potrebnim da se održi, onda ona može o svom trošku i u saglasnosti sa planovima koje donese zajednička komisija, povećati kapacitete pravaca iz paragrafa (a).

e) Saobraćaj osoba ili roba, koji se odvija prema ovom članu, kao i sve odgovornosti za poštovanje međunarodnih zakona i obaveza, prihvaćać Federacija.

Član 3.

Hrvatska obezbjeđuje Federaciji pravo da ovlasti sve tipove aviona da prelijeću teritoriju Hrvatske, uključujući njene teritorijalne vode, pod uslovom da ti avioni odgovaraju primjenljivim međunarodnim odredbama o zračnom saobraćaju.

Član 4.

a) Hrvatska i Federacija ("strane") ovim osnivaju Zajedničku komisiju koja će pomagati u primjeni ovog sporazuma:

(i) Donošenjem pravila i standarda potrebnih za primjenu Sporazuma, a posebno člana 2. (c), uključujući i izgradnju.

(ii) Organizovanjem praćenja potrebnog da se spriječi kršenje sporazuma i međunarodnih pravila za zaštitu čovjekove okoline.

(iii) Rješavanjem bilo kojih sporova iz člana 6, u vezi interpretacije primjene Sporazuma.

b) Strane će imenovati po tri člana u Zajedničku komisiju i uz zajedničku saglasnost imenovati još po tri člana, od kojih će jedan biti predsjedavajući. Ukoliko se ne mogu postići sporazum u vezi jednog ili više zajedničkih imenovanja u roku od tri mjeseca, Generalni sekretar Ujedinjenih nacija će izvršiti ova imenovanja na zahtjev bilo koje strane.

c) Zajednička komisija će usvojiti poslovnik o radu. Njene odluke će zahtijevati pet saglasnih glasova.

Član 5.

Sadašnji sporazum može biti dopunjen i drugim sporazumima namijenjenim primjeni Konvencije Ujedinjenih naroda o Zakonu o moru iz 1982. godine, ili Konvencije o tranzitnoj trgovini zemalja koje nemaju izlaz na more iz 1965. godine.

Član 6.

Ukoliko nije drugačije dogovoreno, bilo koji pravni nesporazum u vezi interpretacije ovog sporazuma će se podnijeti svakoj od strana radi donošenja obavezujuće odluke od strane Arbitražnog suda u koji će svaka strana imenovati po jednog člana, a predsjedavajućeg će imenovati zajednički. Ukoliko potrebna imenovanja ne budu izvršena u roku od tri mjeseca, ista može izvršiti predsjednik Međunarodnog suda pravde na zahtjev svake strane.

Član 7.

Ovaj sporazum će stupiti na snagu nakon njegovog potpisivanja i ostati na snazi tokom perioda od 99 godina, osim ako se strane drugačije ne dogovore.

18. marta 1994. u Vašingtonu, SAD u tri primjerka, po jedan na engleskom, hrvatskom i bosanskom jeziku, od kojih će svaki biti jednako autentičan.

ANEKS II

SPORAZUM IZMEĐU FEDERACIJE BOSNE I HERCEGOVINE I REPUBLIKE HRVATSKE, KOJIM SE OBEZBJEDUJE PROLAZ HRVATSKOJ KROZ FEDERACIJU

Federacija Bosne i Hercegovine (u daljem tekstu: "Federacija")

Republika Hrvatska (u daljem tekstu: "Hrvatska"), smatrajući da je poželjno da Hrvatska ima osiguran i nesmetan prolaz kroz opštinu Neum

OVIM SE SLAŽU:

Član 1.

Federacija će dozvoliti nesmetani prolaz ka i iz Hrvatske putem kroz Neum, između istočne i zapadne granice Neuma sa Hrvatskom.

Član 2.

a) Kamioni i ostala cestovna vozila, koja koriste put iz člana 1, za tranzit iz i ka Hrvatskoj, neće biti provjeravani niti će im se pristupati od strane službenih vlasti Federacije.

b) Ograničenja veličina i specifikacija kamiona i ostalih cestovnih vozila iz paragrafa (a) i obima saobraćaja na putu iz člana 1, utvrdivaće Zajednička komisija osnovana prema članu 3.

c) Ukoliko ograničenja utvrđena prema paragrafu (b) smanjuju obim saobraćaja koga Hrvatska smatra potrebnim da se održi, onda ona može o svom trošku i u saglasnosti sa planovima

ma koje donosi Zajednička komisija, povećati kapacitet puta iz člana 1.

d) Promet osoba ili roba koji se odvija prema čl. 1. i 2, kao i sve odgovornosti za poštovanje međunarodnih zakona i obaveza, prihvatiće Hrvatska.

Član 3.

a) Federacija i Hrvatska (u daljem tekstu: "strane") ovim osnivaju Zajedničku komisiju koja će pomagati u primjeni sadašnjeg sporazuma;

(i) Donošenjem pravila i standarda potrebnih za primjenu Sporazuma, a posebno člana 2, (b) uključujući i izgradnju.

(ii) Organizovanjem praćenja pouzdanog da se spriječi kršenje Sporazuma.

(iii) Rješavanjem bilo kojih sporova u vezi interpretacije primjene Sporazuma, prema članu 4.

b) Svaka strana, će imenovati po tri člana u Zajedničku komisiju i oni će, uz zajedničku saglasnost, imenovati još po tri člana, od kojih će jedan biti predsjedavajući. Ukoliko se ne mogne postići sporazum u vezi jednog ili više zajedničkih imenovanja u roku od tri mjeseca, Generalni sekretar Ujedinjenih nacija će izvršiti ova imenovanja na zahtjev bilo koje strane.

c) Zajednička komisija će usvojiti poslovnik o radu. Njene odluke će zahtijevati pet saglasnih glasova.

Član 4.

Ukoliko nije drugačije dogovoreno, bilo koji pravni nesporazum u vezi interpretacije ovoga sporazuma će se podnijeti svakoj od strana, radi donošenja obavezujuće odluke od strane Arbitražnog suda u koji će svaka strana imenovati po jednog člana, a predsjedavajućeg će imenovati zajednički. Ukoliko potrebna imenovanja ne budu izvršena u roku od tri mjeseca, njih će izvršiti predsjednik Međunarodnog suda pravde na zahtjev svake strane.

Član 5.

Sporazum će stupiti na snagu nakon njegovog potpisivanja i ostaće na snazi tokom perioda od 99 godina, osim ako se strane drugačije ne dogovore.

18. marta 1994. u Vašingtonu, Sjedinjene Američke Države, u tri primjerka, po jedan na engleskom, hrvatskom i bosanskom jeziku, od kojih će svaki biti jednako autentičan.

129

Na osnovu člana 219. stav 1. tačka 10. Ustava Republike Bosne i Hercegovine - Prečišćeni tekst ("Službeni list RBiH", broj 5/93), Predsjedništvo Republike Bosne i Hercegovine, donosi

UKAZ

**O PROGLAŠENJU ZAKONA O RATIFIKACIJI
SPORAZUMA O PRIHVATANJU PRIJEDLOGA
USTAVA FEDERACIJE BOSNE I HERCEGOVINE I
PRELIMINARNOG SPORAZUMA U VEZI BUDUĆE
EKONOMSKE I VOJNE SARADNJE IZMEĐU
FEDERACIJE BOSNE I HERCEGOVINE
I REPUBLIKE HRVATSKE**

Proглашава se Zakon o ratifikaciji Sporazuma o prihvatanju Prijedloga Ustava Federacije Bosne i Hercegovine i Preliminarnog sporazuma u vezi buduće ekonomske i vojne saradnje između Federacije Bosne i Hercegovine i Republike Hrvatske, koji je donijela Skupština Republike Bosne i Hercegovine na zajedničkoj sjednici Skupštine od 28, 29. i 30. marta 1994. godine.

PR broj 1626/94
30. marta 1994. godine
Sarajevo

**Predsjednik
Predsjedništva RBiH,
Alija Izetbegović, s. r.**

ZAKON

**O RATIFIKACIJI SPORAZUMA O PRIHVATANJU
PRIJEDLOGA USTAVA FEDERACIJE BOSNE I
HERCEGOVINE I PRELIMINARNOG SPORAZUMA U
VEZI BUDUĆE EKONOMSKE I VOJNE SARADNJE
IZMEĐU FEDERACIJE BOSNE I
HERCEGOVINE I REPUBLIKE HRVATSKE**

Član 1.

Ratifikuje se Sporazum o prihvatanju Prijedloga ustava Federacije Bosne i Hercegovine i Preliminarnog sporazuma u vezi buduće ekonomske i vojne saradnje između Federacije Bosne i Hercegovine i Republike Hrvatske, kojeg je u ime Republike Bosne i Hercegovine potpisao predsjednik Predsjedništva Republike Bosne i Hercegovine i predsjednik Vlade Republike Bosne i Hercegovine 18. marta-ožujka 1994. godine u Vašingtonu, Sjedinjene Američke Države.

Član 2.

Sporazumi iz člana 1. ovog zakona nalaze se u prilogu ovog zakona i čine njegov sastavni dio.

Član 3.

Ovaj zakon stupa na snagu danom donošenja, a objaviće se u "Službenom listu RBiH".

S broj 177/94
30. marta 1994. godine
Sarajevo

Predsjednik
Skupštine RBiH,
Miro Lazović, s. r.

SPORAZUM

**O PRIHVATANJU USTAVA FEDERACIJE BOSNE I
HERCEGOVINE I PRELIMINARNI SPORAZUM U
VEZI BUDUĆE EKONOMSKE I VOJNE SARADNJE
IZMEĐU FEDERACIJE BOSNE I HERCEGOVINE I
REPUBLIKE HRVATSKE**

Danas prihvatamo predloženi Ustav Federacije Bosne i Hercegovine kao i Preliminarni sporazum u vezi buduće ekonomske i vojne saradnje između Federacije i Republike Hrvatske. Ovi sporazumi označavaju našu zajedničku volju ka uspostavljanju mira u Bosni i Hercegovini i u cijeloj našoj regiji. Saglasni smo da se naši naponi intenziviraju u traženju sveukupnog političkog rješenja koje obezbjeđuje zaštitu ljudskih prava i očuvanje suvereniteta i teritorijalnog integriteta svih država u regiji.

Bošnjačka i hrvatska delegacija potvrđuju svoju volju da predlože ovaj ustav Ustavotvornoj skupštini kao osnovu za Federaciju, osiguravajući punu nacionalnu jednakost, demokratske odnose i najviše standarde ljudskih prava i sloboda. Sve delegacije će zajednički podržati principe Konferencije koji mogu položiti temelj prosperitetnoj i sigurnoj budućnosti za narode regije.

Da bi proširili našu saradnju, odlučili smo da ćemo odmah:

(1). Osnovati zajedničku grupu koja će biti isključivi predstavnik Bošnjaka i Hrvata na svim pregovorima sa Srbima, radi uspostavljanja sveukupnog rješenja za Bosnu i Hercegovinu.

(2) Zatražiti od Konferencije za bezbjednost i saradnju u Evropi (KEBS) da imenuje Ombudsmene da počnu sa radom u Bosni i Hercegovini, sa mandatom propisanim u predloženom Ustavu.

(3) Pozvati Evropsku uniju da uspostavi svoju administraciju nad područjem Mostara što je moguće prije.

(4) Nastaviti punu i hitnu primjenu mjera dogovorenih od strane vojnog prelaznog tima u Splitu 12. marta i pomoći razvoju događaja za buduće dezangažovanje vojski.

Alija Izetbegović, s. r.
Haris Silajdžić, s. r.
Vašington, SAD
18. marta/ožujka 1994. godine

Franjo Tuđman, s. r.
Krešimir Zubak, s. r.

130

Na osnovu člana 201. stav 1. tačka 29. i člana 207. stav 1. tačka 1. Ustava Republike Bosne i Hercegovine - Prečišćeni tekst ("Službeni list RBiH", broj 5/93) i člana 156. stav 2. Poslovnika Skupštine RBiH ("Službeni list SRBiH", br. 8/91 i 32/91) i ("Službeni list RBiH", broj 20/93), Skupština Republike Bosne i Hercegovine, na zajedničkoj sjednici Skupštine, održanoj 28. 29. i 30. marta 1994. godine, donijela je

ODLUKU

O PRIHVATANJU SPORAZUMA O USVAJANJU
PRIJEDLOGA USTAVA FEDERACIJE
BOSNE I HERCEGOVINE

Član 1.

Skupština Republike Bosne i Hercegovine prihvata u cjelosti i obezbjeđuje sprovođenje Sporazuma o usvajanju Prijedloga ustava Federacije Bosne i Hercegovine, koji je u ime Republike Bosne i Hercegovine potpisao 18. marta - ožujka 1994. godine u Vašingtonu Sjedinjene Američke Države, predsjednik Vlade Republike Bosne i Hercegovine.

Član 2.

Sporazum iz člana 1. ove odluke nalazi se u prilogu ove odluke i čini njen sastavni dio.

Član 3.

Skupština, Predsjedništvo i Vlada Republike Bosne i Hercegovine staraće se o izvršenju ove odluke.

Član 4.

Ova odluka stupa na snagu danom donošenja, a objaviće se u "Službenom listu RBiH".

S broj 179/94
30. marta/ožujka 1994.
Sarajevo

Predsjednik
Skupštine RBiH,
Miro Lazović, s. r.

SPORAZUM
O USVAJANJU PRIJEDLOGA USTAVA FEDERACIJE
BOSNE I HERCEGOVINE

Mi šefovi delegacija Prelaznog odbora na visokom nivou, usvajamo gore navedeni Ustav, koji je izrađen i po kome smo se složili na našem sastanku u Beču od 4. do 14. marta 1994. godine. Mi ovim predlažemo ovaj ustav i dajemo ga na usvajanje Ustavotvornoj skupštini prema glavi IX uz našu zajedničku saglasnost.

Haris Silajdžić, s. r.

Krešimir Zubak, s. r.

Vašington, SAD
18. marta/ožujka 1994.
godine

131

Na osnovu čl. 157. i 336. Poslovnika Skupštine Republike Bosne i Hercegovine ("Službeni list SRBiH", br. 8/91 i 32/91) i ("Službeni list RBiH", broj 20/93), Skupština Republike Bosne i Hercegovine na zajedničkoj sjednici Skupštine, održanoj 28. 29. i 30. marta 1994. godine, donijela je

ZAKLJUČAK

1. Skupština Republike Bosne i Hercegovine cijeni da su prestale okolnosti iz člana 222. stav 4. Ustava Republike Bosne i Hercegovine - Prečišćeni tekst ("Službeni list RBiH", broj 5/93) i da su se stekli uslovi da Skupština RBiH, od dana donošenja ovog zaključka vrši svoje Ustavom utvrđene nadležnosti.

2. Skupština Republike Bosne i Hercegovine preporučuje skupštinama opština na slobodnim teritorijama Republike Bosne i Hercegovine da ukoliko za to postoje uslovi odmah sazovu

sjednice skupština opština koje bi preuzele vršenje svojih Ustavom utvrđenih nadležnosti.

3. Ovaj zaključak objaviti u "Službenom listu RBiH".

S broj 183/94
29. marta 1994. godine
Sarajevo

Predsjednik
Skupštine RBiH,
Miro Lazović, s. r.

132

Na osnovu člana 207. stav 2. Ustava Republike Bosne i Hercegovine - Prečišćeni tekst ("Službeni list RBiH", broj 5/93), Skupština Republike Bosne i Hercegovine na zajedničkoj sjednici Skupštine, održanoj 28. 29. i 30. marta 1994. godine, donijela je

IZJAVU

Skupština Republike Bosne i Hercegovine podržava stavove skupštine građana srpske nacionalnosti u Bosni i Hercegovini na sjednici održanoj 27. marta 1994. godine, izražene u njenoj deklaraciji i zahtijeva od Državne delegacije Republike Bosne i Hercegovine da u nastavku mirovnih pregovora o Bosni i Hercegovini, insistira na njihovom implementiranju u konačnom odlučivanju o ustavno-pravnom ustrojstvu Republike Bosne i Hercegovine na Mirovnoj konferenciji o Bosni i Hercegovini.

Ovu izjavu objaviti u "Službenom listu RBiH".

S broj 185/94
30. marta 1994. godine
Sarajevo

Predsjednik
Skupštine RBiH,
Miro Lazović, s. r.

133

Na osnovu člana 207. stav 2. Ustava Republike Bosne i Hercegovine - Prečišćeni tekst ("Službeni list RBiH", broj 5/93), Skupština Republike Bosne i Hercegovine na zajedničkoj sjednici Skupštine, održanoj 28. 29. i 30. marta 1994. godine, donijela je

IZJAVU

Polazeći od zakona o ratifikaciji vašingtonskih sporazuma, usvojenih na zasjedanju Skupštine Republike Bosne i Hercegovine održanom 28. 29. i 30. marta 1994. godine, Skupština Republike Bosne i Hercegovine zahtijeva od Državne delegacije Republike Bosne i Hercegovine da u nastavku mirovnih pregovora o Bosni i Hercegovini, polazi i od Ustavnog zakona o izmjenama i dopunama Ustava Republike Bosne i Hercegovine, koji je osnovan za uspostavljanje novog unutrašnjeg ustrojstva Republike Bosne i Hercegovine na federalnim osnovama na cijeloj teritoriji Republike Bosne i Hercegovine, u okviru međunarodno-priznatih granica.

Ovu izjavu objaviti u "Službenom listu RBiH".

S broj 184/94
30. marta 1994. godine
Sarajevo

Predsjednik
Skupštine RBiH,
Miro Lazović, s. r.

134

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM
O RASELJENIM LICIMA I IZBJEGLICAMA

I - OSNOVNE ODREDBE

Član 1.

Ovom uredbom uređuje se ko se smatra raseljenim licem izbjeglicom i izbjeglicom Republike Bosne i Hercegovine način sticanja statusa raseljenog lica i izbjeglice i uređuju njihova prava, način obezbjeđivanja sredstava za pomoć raseljenim

licima i izbjeglicama, obaveze nadležnih organa uprave, kao i druga pitanja koja se odnose na raseljena lica i izbjeglice.

Član 2.

Republika Bosna i Hercegovina (u daljem tekstu: Republika) osigurava, ovisno o materijalnim mogućnostima, a u skladu sa ovom uredbom, pomoć svim licima kojima se prizna status raseljenog lica i izbjeglice.

Republika vodi posebnu brigu o izbjeglicama Republike Bosne i Hercegovine (u daljem tekstu: izbjeglica Republike), pomažući im u ostvarivanju njihovih izbjegličkih prava i obaveza, okupljanja i očuvanja identiteta i stvaranja uvjeta za organizirani povratak u domovinu, poštujući zakone država u kojima se nalaze.

II - RASELJENA LICA, IZBJEGLICE I IZBJEGLICE REPUBLIKE

Član 3.

Status raseljenog lica, u smislu ove uredbe priznaje se licu koje sa okupiranog dijela općine odnosno grada Sarajeva, samostalno ili organizirano, pod prisilom agresora ili da bi izbjeglo neposredna ratna ili genocidna djelovanja agresora, izbjeglo na slobodno područje iste ili druge općine odnosno grada Sarajeva.

Član 4.

Status izbjeglice priznaje se licu, koje je bojeći se opravdano da će biti progonjeno zbog svoje rase, svoje vjere, svoje nacionalnosti, svoje pripadnosti nekoj socijalnoj grupi ili svojih političkih mišljenja, ili da bi izbjeglo neposredna ratna djelovanja, našlo u Republici, i koje ne želi ili zbog straha neće da traži zaštitu zemlje čiji je državljanin.

Status izbjeglice priznaje se licu koje ima više od jednog državljanstva ako iz razloga iz stava 1. ovog člana ne može ili zbog straha ne želi da traži zaštitu ni od jedne zemlje čije državljanstvo ima.

Licu iz stava 2. ovog člana neće se priznati status izbjeglice, ako bez opravdanog razloga i bez osnovanog straha, prethodno nije tražilo zaštitu jedne od zemalja čije državljanstvo ima.

Status izbjeglice priznaje se licu koje nema državljanstva, ako se iz razloga iz stava 1. ovog člana, ne može ili zbog straha ne želi da vrati u zemlju u kojoj je imalo prebivalište.

Član 5.

Izbjglicom Republike se, u smislu ove uredbe smatra građanin Republike koji je iz razloga iz čl. 3. i 4. ove uredbe izbjegao na teritoriju druge države.

Član 6.

Lica koja su sa ratom ugroženih rubnih područja općine odnosno grada Sarajeva, izbjegla u druge dijelove općine odnosno grada Sarajeva, zbog nepostojanja sigurnijih uvjeta života (porušeni stanovi, kuće ili neposredna opasnost po život zbog ratnih djestava na tom području) nemaju status raseljenog lica.

Lica iz stava 1. ovog člana, dok traju okolnosti radi kojih su izbjegla, imaju pravo na: privremeni smještaj, prehranu kao i podmirenje drugih nužnih životnih potreba u skladu sa odlukama nadležnih organa općine odnosno grada Sarajeva.

Član 7.

Status raseljenog lica ne priznaje se osobi koja je pravomoćnom sudskom odlukom osuđena za krivična djela iz čl. 119, 120, 133, 134, 137, 138, 214, 217, 218, 219 i 227 preuzetog Krivičnog zakona ("Službeni list RBiH", broj 2/92) i čl. 203. i 213. Krivičnog zakona Republike Bosne i Hercegovine ("Službeni list SRBiH", broj 24/91).

Član 8.

Status izbjeglice ne priznaje se licu za koje postoji osnovana sumnja da je:

- počinilo zločin protiv mira, ratni zločin ili zločin protiv čovječnosti kako je definirano u međunarodnim instrumentima koji su sačinjeni da bi se odredilo prema tim zločinima,
- počinilo težak zločin prema međunarodnom pravu izvan Republike, prije nego što je u nju primljen kao izbjeglica,

- krivo za djela koja su u suprotnosti sa ciljevima i principima Ujedinjenih nacija.

Član 9.

Ako su razlozi iz čl. 7. i 8. ove uredbe postojali prije priznavanja statusa raseljenog lica i izbjeglice, a nadležni organ je za njih saznao naknadno ili su nastupili poslije priznavanja statusa raseljenog lica i izbjeglice, oduzet će se status raseljenog lica ili izbjeglice.

III - PRIZNAVANJE, PRESTANAK I ODUZIMANJE STATUSA RASELJENOG LICA I IZBJEGLICE

Član 10.

O priznavanju, prestanku i oduzimanju statusa raseljenog lica i izbjeglice odlučuje općinski organ uprave odnosno organ grada Sarajeva nadležan za raseljena lica i izbjeglice (u daljem tekstu: općinski organ uprave odnosno grada Sarajeva) u općini u kojoj raseljeno lice i izbjeglica ima boravište.

Organ iz stava 1. ovog člana vodi službenu evidenciju o raseljenim licima i izbjeglicama na svom području.

Član 11.

Općinski organ uprave odnosno grada Sarajeva, na osnovu usmenog zahtjeva stranke, izdaje legitimaciju, kojom se na osnovu činjenica o kojima se vodi službena evidencija, dokazuje status raseljenog lica odnosno izbjeglice.

Status raseljenog lica odnosno izbjeglice priznaje se od momenta podnošenja zahtjeva.

Član 12.

Općinski organ uprave uprave odnosno grada Sarajeva, koji je priznao licu starijem od osamnaest godina status raseljenog lica, dužan je da u roku od dva dana od dana priznavanja tog statusa, obavijesti nadležni organ obrane.

Član 13.

Licu kojem je priznat status raseljenog lica, taj status prestaje:

1. prestankom razloga zbog kojih je izbjeglo iz mjesta prebivališta;
2. na osnovu vlastite odluke da se vrati u mjesto prebivališta;
3. ako ne prihvati organizirani smještaj i druge oblike organizirane pomoći;
4. ako općinski organ uprave odnosno grada Sarajeva utvrdi da zloupotrebljava prava utvrđena ovom uredbom;
5. ako ne izvršava poslove i obaveze utvrđene Pravilnikom o kućnom redu sabirnog centra odnosno kolektivnog smještaja.

Član 14.

Licu kojem je priznat status izbjeglice taj status prestaje:

1. ako ponovo traži zaštitu zemlje čije državljanstvo ima;
2. ako je ponovo dobrovoljno primilo državljanstvo zemlje, koje je prethodno izgubilo;
3. ako je steklo državljanstvo Republike Bosne i Hercegovine;
4. ako se dobrovoljno vratilo da bi se nastanilo u zemlji koju je napustilo ili izvan koje je živjelo iz straha da će biti progonjeno;
5. ako su okolnosti zbog kojih je ono bilo priznato za izbjeglicu prestale da postoje;
6. kada se radi o licu koje nema državljanstvo, ako je, pošto su okolnosti zbog kojih je ono bilo priznato za izbjeglicu, prestale da postoje, ono u stanju da se vrati u zemlju u kojoj je imalo uobičajeno mjesto boravka;
7. na osnovu vlastite odluke da napusti Republiku;
8. ako ne prihvati ponuđeni organizirani smještaj i druge oblike organizirane pomoći.

IV - PRAVA RASELJENIH LICA I IZBJEGLICA

Član 15.

Licu kome je priznat status raseljenog lica, obezbjeđuje se:

1. smještaj;
2. prehrana;
3. socijalna adaptacija i psihološka podrška;

4. zdravstvena zaštita;
5. školovanje;
6. podmirenje drugih nužnih životnih potreba.

Član 16.

Licu kojem je priznat status izbjeglice, obezbjeđuje se:

1. smještaj;
2. prehrana;
3. primarna zdravstvena zaštita;
4. školovanje djece;
5. podmirenje drugih nužnih životnih potreba.

Član 17.

Smještaj lica iz čl. 15. i 16. ove uredbe, može se obezbijediti u: sabirnim centrima, kolektivnim smještajima, napuštenim kućama i stanovima, vikendicama i stanovima porodica koje izraze želju da ih prime.

Raspored u smještaje iz stava 1. ovog člana vrši općinski organ uprave odnosno grada Sarajeva, u skladu sa zakonom i kriterijumima i normativima koje propisuje ministar za izbjeglice, rad i socijalnu zaštitu (u daljem tekstu: ministar).

Član 18.

Domaćoj ili stranoj humanitarnoj organizaciji, na njen zahtjev, općinski organ uprave odnosno grada Sarajeva, može povjeriti vođenje kolektivnog smještaja za raseljena lica i izbjeglice, uz prethodnu saglasnost Ministarstva za izbjeglice, rad i socijalnu zaštitu (u daljem tekstu: Ministarstvo).

Član 19.

Prehrana lica iz čl. 15. i 16. ove uredbe može se obezbijediti putem organizirane prehrane u zajedničkim kuhinjama, dodjelom prehrambenih artikala ili novčanom pomoći.

O načinu prehrane iz stava 1. ovog člana, odlučuje općinski organ uprave odnosno grada Sarajeva, u skladu sa kriterijumima i normativima koje propisuje ministar.

Član 20.

Zdravstvena zaštita i školovanje lica iz čl. 15. i 16. ove uredbe, ostvaruje se u skladu sa propisima iz oblasti zdravstvene zaštite i obrazovanja.

Socijalna adaptacija i psihološka podrška lica iz člana 15. ove uredbe, kao i poseban tretman dojenčadi i djece, trudnica i dojilja, starih i iznemoglih, ostvaruje se u skladu sa propisima iz oblasti socijalne zaštite.

Član 21.

Podmirenje drugih nužnih životnih potreba lica iz čl. 15. i 16. ove uredbe, ostvaruje se naročito: dodjelom obuće, odjeće, rublja, higijenskih artikala i slično.

Podmirenje drugih nužnih životnih potreba iz stava 1. ovog člana, obezbjeđuje općinski organ uprave odnosno grada Sarajeva, na osnovu utvrđenih potreba, broja i vrste korisnika, u skladu sa kriterijumima i normativima koje propisuje ministar.

V - POMOĆ IZBJEGLICAMA REPUBLIKE

Član 22.

Izbjeglice Republike u zemljama koje su im pružile utočište uživaju zaštitu po međunarodnim konvencijama, koje su te zemlje ratificirale.

U cilju potpunijeg ostvarivanja zaštite izbjeglica Republike, kao što su: školovanje djece na maternjem jeziku, posebne zaštite djece bez roditelja, informiranje, ostvarivanje religijskih, kulturnih i drugih prava, kao i ostvarivanja zaštite izbjeglica Republike u zemljama koje nisu ratificirale međunarodne konvencije, Vlada Republike Bosne i Hercegovine (u daljem tekstu: Vlada RBiH) zaključuje sporazume sa vladama zemalja koje su pružile prihvata, smještaj i utočište izbjeglicama Republike.

Član 23.

Ministarstvo radi praćenja ostvarivanja prava izbjeglica Republike, kao i pružanja neposredne pomoći i stvaranja uvjeta za povratak u zemlju, naročito: prati provođenje međunarodnih konvencija i sporazuma, daje savjete i informacije, organizira i vrši poslove popisa (registriranja) i evidentiranja, učestvuje u organiziranju i radu klubova građana Republike.

U cilju realiziranja aktivnosti iz stava 1. ovog člana, ministar predlaže postavljenje radnika diplomatsko-konzularnog predstavništva.

Član 24.

Organi vlasti i organi uprave, kao i drugi organi i organizacije će, u okviru svog djelokruga poduzimati mjere radi stvaranja uvjeta za povratak izbjeglica Republike u zemlju.

U cilju adekvatnog angažiranja organa i organizacija iz stava 1. ovog člana, obezbjeđivanja stvarnih uvjeta i pružanja pomoći izbjeglicama Republike po povratku u zemlju i njihovom zbrinjavanju, Vlada RBiH će, na prijedlog Ministarstva, donijeti cjelovit program povratka.

Član 25.

Po sticanju uvjeta za povratak izbjeglica Republike u zemlju, Vlada RBiH zaključuje bilateralne i višestrane međunarodne sporazume sa vladama zemalja koje su pružile utočište izbjeglicama Republike, Visokim komesarom Ujedinjenih nacija za izbjeglice i drugim međunarodnim organizacijama, o organiziranom povratku izbjeglica Republike u zemlju.

Član 26.

Informiranje izbjeglica Republike ostvaruje se u skladu sa propisima iz oblasti informiranja.

Član 27.

Školovanje djece izbjeglica Republike ostvaruje se u skladu sa propisima iz oblasti obrazovanja.

VI - POPIS (REGISTRIRANJE) I EVIDENTIRANJE RASELJENIH LICA, IZBJEGLICA I IZBJEGLICA REPUBLIKE

Član 28.

Općinski organ uprave odnosno grada Sarajeva, vrši popis (registriranje) i vodi osnovnu evidenciju o raseljenim licima i izbjeglicama.

Diplomatsko-konzularna predstavništva vrše popis (registriranje) i vode osnovnu evidenciju o izbjeglicama Republike.

Centralnu evidenciju za raseljena lica, izbjeglice i izbjeglice Republike vodi Ministarstvo.

Član 29.

Uputstvo o popisu (registriranju) iz člana 28. ove uredbe, kao i uputstvo o sadržaju službene evidencije iz člana 10. ove uredbe i obrascu legitimacije iz člana 11. ove uredbe propisat će ministar.

VII - PRAVA I OBAVEZE ORGANA UPRAVE U OSTVARIVANJU PRAVA RASELJENIH LICA I IZBJEGLICA

Član 30.

Ministarstvo, pored poslova utvrđenih ovom uredbom, Uredbom sa zakonskom snagom o ministarstvima i drugim organima državne uprave ("Službeni list RBiH", broj 25/93), vrši upravne i druge stručne poslove, a naročito:

- učestvuje u planiranju izgradnje objekata za smještaj raseljenih lica i izbjeglica,

- planira i usmjerava regionalni raspored smještaja raseljenih lica i izbjeglica,

- priprema bilans potreba za zbrinjavanje raseljenih lica i izbjeglica,

- vrši inspeksijski nadzor u ostvarivanju prava raseljenih lica i izbjeglica.

Član 31.

Okružni organ uprave nadležan za raseljena lica i izbjeglice (u daljem tekstu: okružni organ uprave), pored poslova utvrđenih ovom uredbom, Uredbom sa zakonskom snagom o obrazovanju i radu okruga ("Službeni list RBiH", br. 12/92, 14/92, 18/92, 21/92 i 3/93), vrši upravne i druge stručne poslove, a naročito:

- učestvuje u pripremanju donošenja programa za povratak raseljenih lica i izbjeglica i izbjeglica Republike, za područje okruga.

- učestvuje u planiranju izgradnje objekata za smještaj raseljenih lica i izbjeglica za područje okruga,
- učestvuje u pripremanju bilansa potreba za zbrinjavanje raseljenih lica i izbjeglica za područje okruga,
- odlučuje u drugom stepenu po odlukama općinskih organa uprave odnosno grada Sarajeva,
- obezbjeđuje dio sredstava za zbrinjavanje raseljenih lica i izbjeglica.

Član 32.

Općinski organ uprave odnosno grada Sarajeva, pored poslova utvrdjenih ovom uredbom, Zakonom o državnoj upravi - Novi prečišćeni tekst ("Službeni list RBiH", broj 26/93), vrši upravne i druge stručne poslove, a naročito:

- prijema, smještaja i prehrane raseljenih lica i izbjeglica,
- organiziranja i funkcioniranja sabirnih centara i kolektivnih smještaja za smještaj raseljenih lica i izbjeglica,
- praćenja ostvarivanja prava raseljenih lica i izbjeglica koja se odnose na: zdravstvenu zaštitu, socijalnu adaptaciju i psihološku podršku, školovanje,
- zadovoljavanje drugih nužnih životnih potreba u skladu sa ovom uredbom i zakonom,
- utvrđuje potrebe za zbrinjavanje raseljenih lica i izbjeglica,
- utvrđuje nivoe prijeko potrebnih radova za dovodenje i dovodi objekte za smještaj raseljenih lica i izbjeglica u stanje upotrebljivosti,
- učestvuje u planiranju izgradnje objekata za smještaj raseljenih lica i izbjeglica, za područje općine,
- obezbjeđuje dio sredstava za zbrinjavanje raseljenih lica i izbjeglica.

VIII - POTREBE I SREDSTVA ZA ZBRINJAVANJE RASELJENIH LICA I IZBJEGLICA

Član 33.

Potrebe za zbrinjavanjem raseljenih lica i izbjeglica utvrđuju se planovima općinskih organa uprave odnosno grada Sarajeva, okružnih organa uprave i Republike u skladu sa zakonom.

Uputstvo za izradu planova kojima se iskazuju potrebe za zbrinjavanjem raseljenih lica i izbjeglica na nivou općine odnosno grada Sarajeva i okruga, propisat će ministar.

Član 34.

Potrebe za ostvarivanje povratka raseljenih lica, izbjeglica i izbjeglica Republike, pomoć izbjeglicama Republike, popis (registriranje) raseljenih lica, izbjeglica i izbjeglica Republike, izgradnja objekata za smještaj raseljenih lica i izbjeglica od značaja za Republiku, potrebe koje premašuju objektivne mogućnosti općine odnosno grada Sarajeva i okruga, utvrđuje se planom, koji na prijedlog Ministarstva, donosi Vlada RBiH.

Član 35.

Sredstva za realizaciju planova iz člana 33. ove uredbe, obezbjeđuju se iz:

- donacija specijaliziranih agencija Ujedinjenih nacija u skladu sa Zakonom o humanitarnoj pomoći ("Službeni list RBiH", broj 8/94),
- budžeta općine odnosno grada Sarajeva i okruga,
- donacija domaćih i stranih nevladinih humanitarnih organizacija,
- donacija drugih pravnih i fizičkih lica iz zemlje i inozemstva,
- republičkog budžeta za finansiranje potreba koje premašuju objektivne mogućnosti općina odnosno grada Sarajeva i okruga,
- drugih izvora.

Član 36.

Sredstva za realiziranje planova iz člana 34. ove uredbe obezbjeđuju se iz republičkog budžeta.

IX - PRELAZNE I ZAVRŠNE ODREDBE

Član 37.

Legitimacije o priznavanju statusa raseljenog lica i izbjeglice, izdate na osnovu Uredbe sa zakonskom snagom o raseljenim licima i izbjeglicama ("Službeni list RBiH", broj 18/92), ostaju na snazi.

Član 38.

Ministarstvo će donijeti akte iz člana 17. stav 2, člana 19. stav 2, člana 21. stav 2, člana 29. i člana 33. stav 2. ove uredbe, u roku od 30 dana od dana stupanja na snagu ove uredbe.

Vlada RBiH će, donijeti program iz člana 24. stav 2. ove uredbe, u roku od 60 dana od dana stupanja na snagu ove uredbe.

Član 39.

Radi ostvarivanja prava raseljenih lica, iz člana 15. tač. 3, 4. i 5. ove uredbe, kao i prava izbjeglica iz člana 16. tač. 3. i 4. ove uredbe, uskladit će se propisi iz oblasti socijalne zaštite, zdravstvene zaštite i obrazovanja, u roku od 30 dana od dana stupanja na snagu ove uredbe.

Član 40.

Danom stupanja na snagu ove uredbe poslove okružnih ureda Direkcije Republike Bosne i Hercegovine za raseljena lica i izbjeglice, preuzet će općinski organi uprave odnosno grada Sarajeva i okružni organi uprave.

Organi iz stava 1. ovog člana, preuzimaju, prema potrebi, radnike okružnih ureda Direkcije Republike Bosne i Hercegovine za raseljena lica i izbjeglice.

Član 41.

Danom stupanja na snagu ove uredbe, razrješavaju se dužnosti direktori okružnih ureda Direkcije Republike Bosne i Hercegovine za raseljena lica i izbjeglice.

Član 42.

Ako razrješeni direktori iz člana 41. ove uredbe ne budu mogli ostvariti prava da se vrate na poslove i zadatke koje su ranije obavljali, po potrebi, raspoređuju se u općinske organe uprave ili okružne organe uprave.

Ako lica iz stava 1. ovog člana ne prihvate raspored na poslove i zadatke, prestaje im radni odnos.

Član 43.

Danom stupanja na snagu ove uredbe prestaje da važi Uredba sa zakonskom snagom o raseljenim licima i izbjeglicama ("Službeni list RBiH", broj 18/92) i Odluka o osnivanju štabova za zbrinjavanje raseljenih lica i izbjeglica ("Službeni list RBiH", broj 22/92).

Član 44.

Ova uredba stupa na snagu danom objavljivanja u "Službenom listu RBiH".

Broj 1632/94
5. aprila 1994. godine
Sarajevo

Predsjednik
Predsjedništva RBiH,
Alija Izetbegović, s. r.

135

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O HUMANITARNOJ POMOĆI

Član 1.

Ovom uredbom uređuje se: prikupljanje, prijem, raspodjela i distribucija humanitarne pomoći upućene Republici Bosni i Hercegovini (u daljem tekstu: Republika).

Humanitarnu pomoć u smislu ove uredbe čine donacije u naturalnom obliku i novcu koje Republici upućuju: službe, programi i fondovi UN (UNHCR, WFP, UNICEF i dr.), specijalizirane agencije (WHO, UNESCO), regionalne i druge

međunarodne organizacije, države, nevladine humanitarne organizacije, fondovi i druga domaća i strana pravna i fizička lica. Humanitarnom pomoći smatraju se samo one donacije koje se u skladu sa ovom uredbom krajnjim korisnicima dijele bez naknade i bez diskriminacije.

Član 2.

Humanitarna pomoć upućena Republici daje se u vidu općih ili ciljanih donacija.

Opće donacije humanitarne pomoći su one donacije kod kojih donator ovlašćuje Vladu Republike Bosne i Hercegovine (u daljem tekstu: Vlada RBiH) da odredi namjenu donacije i krajnjeg korisnika.

Ciljane donacije humanitarne pomoći su one donacije kod kojih donator određuje namjenu donacije i krajnje korisnike.

Član 3.

Korisnici humanitarne pomoći su:

1. raseljena lica i izbjeglice;
2. socijalno ugroženi građani;
3. specijalni korisnici.

Član 4.

Status raseljenih lica i izbjeglica utvrđuje se pod uvjetima i u postupku koji je ureden propisom o raseljenim licima i izbjeglicama.

Status socijalno ugroženih građana utvrđuje se pod uvjetima i u postupku koji je ureden propisom o socijalnoj zaštiti.

Specijalne korisnike humanitarne pomoći određuju nadležna ministarstva i izvršni odbori okruga.

Kriterije za određivanje specijalnih korisnika utvrđuju nadležna ministarstva u roku od 30 dana od dana stupanja na snagu ove uredbe.

Član 5.

Potrebe za humanitarnom pomoći utvrđuju se bilansom.

Bilans sadrži: vrste, količine, kvalitet i korisnike humanitarne pomoći.

Bilans se donosi za period od godinu dana i to najkasnije do 15. novembra tekuće godine, za iduću kalendarsku godinu, a može se donijeti i za vrijeme kraće od godinu dana.

Metodologiju za utvrđivanje bilansa propisuje Ministarstvo za izbjeglice, rad i socijalnu zaštitu (u daljem tekstu: Ministarstvo).

Član 6.

Potrebe za humanitarnom pomoći u vrsti, količini i kvalitetu humanitarne pomoći utvrđuju se u skladu sa normativima koje, na prijedlog ministarstva, utvrđuje Vlada RBiH.

Član 7.

Prikupljanje humanitarne pomoći u inozemstvu može se vršiti putem ovlašćenih humanitarnih organizacija, agencija, diplomatsko-konzularnih predstavništava, pravnih i fizičkih lica, kao i na druge načine u skladu sa odlukama Vlade RBiH.

Član 8.

Preuzimanje, skladištenje i dopremanje humanitarne pomoći iz inozemstva vrše tranzitni logistički centri u inozemstvu koje svojom odlukom osniva Vlada RBiH, na osnovu bilateralnih ugovora sa domicilnom državom.

Član 9.

Prijem, raspodjela i distribucija humanitarne pomoći u naturalnom obliku u zemlji vrši se putem distributivnih logističkih centara, i to u:

1. Bihaću
2. Bugojnu
3. Goraždu
4. Gračanicu
5. Jablanicu
6. Mostaru
7. Sarajevu
8. Travniku
9. Tuzli
10. Visokom
11. Zenici

Distributivni logistički centri iz stava 1. ovog člana su organizacione jedinice Ministarstva.

Sredstva za rad distributivnih logističkih centara obavezuju se u republičkom budžetu.

Direktora distributivnog logističkog centra za područje okruga ili regije postavlja i razrješava ministar za izbjeglice, rad i socijalnu zaštitu, na prijedlog izvršnog odbora grada Sarajeva ili izvršnog odbora okruga na čijem području je sjedište distributivnog logističkog centra.

Član 10.

Raspodjelu humanitarne pomoći vrše nadležna ministarstva, u saradnji sa ministrima koordinatorima i izvršnim odborima okruga putem distributivnih logističkih centara.

Nadležna ministarstva, pri raspodjeli ciljanih donacija, moraju se pridržavati naloga donatora i o realizaciji donacija obavijestiti Ministarstvo, u roku od 30 dana od dana realizacije.

Član 11.

Nadležna ministarstva donose naloge za raspodjelu humanitarne pomoći korisnicima iz člana 3. ove uredbe, na osnovu:

- broja korisnika sa područja kojeg obuhvata distributivni logistički centar,

- kriterija i normativa za raspodjelu humanitarne pomoći po korisniku,

- potreba korisnika,

- raspoloživih količina i vrsta humanitarne pomoći.

Podatke iz alineje 1. i 3. stav 1. ovog člana nadležnom ministarstvu dostavljaju ministri koordinatori i izvršni odbori okruga, a iz alineje 4. stav 1. ovog člana, distributivni logistički centri.

Kriterije i normative za raspodjelu humanitarne pomoći iz alineje 2. stava 1. ovog člana utvrđuju nadležna ministarstva.

Član 12.

Humanitarna pomoć u hrani, odjeći, obući, sredstvima za higijenu, lijekovima, sanitetskim materijalom i energetskim medijima nadležno ministarstvo prethodno raspoređuje izvršnim odborima okruga za potrebe specijalnih korisnika iz nadležnosti ovog organa i na ostale korisnike.

Humanitarnu pomoć iz stava 1. ovog člana za potrebe specijalnih korisnika koja je nalogom iz člana 10. stava 1. ove uredbe raspoređena izvršnom odboru okruga, ovaj organ dalje raspoređuje na osnovu vlastitih odluka.

Humanitarnu pomoć za raseljena lica, izbjeglice, socijalno ugrožena lica i ostale specijalne korisnike raspoređuju nadležna ministarstva putem distributivnih logističkih centara.

Nadležna ministarstva imaju pravo redistribucije humanitarne pomoći, uzimajući u obzir situaciju na terenu.

Član 13.

Humanitarna pomoć u novcu uplaćuje se u republički budžet, o čemu se vodi posebna evidencija.

Humanitarna pomoć iz stava 1. ovog člana raspoređuje se na osnovu odluka Vlade RBiH.

Član 14.

Evidentiranje prijema humanitarne pomoći od strane krajnjih korisnika po osnovu općih i ciljanih donacija vrši se u skladu sa Uputstvom o provođenju Uredbe sa zakonskom snagom o humanitarnoj pomoći.

Uputstvo iz stava 1. ovog člana donijet će Ministarstvo, u roku od 30 dana, od dana stupanja na snagu ove uredbe.

Član 15.

Logistički centri za snabdijevanje stanovništva Republike Bosne i Hercegovine osnovani Odlukom o osnivanju logističkih centara za snabdijevanje stanovništva Republike Bosne i Hercegovine ("Službeni list RBiH", broj 11/93), u roku od osam dana od dana stupanja na snagu ove uredbe, počinju da rade kao organizacione jedinice Ministarstva, kao distributivni logistički centri iz člana 9. ove uredbe.

Radnike ukinutih logističkih centara, prema potrebi, preuzima Ministarstvo.

Oprema, inventar i druge stvari, arhiva, akti, predmeti i druga dokumentacija i sredstva za rad ukinutih logističkih centara raspoređuju se Ministarstvu.

Primopredaja akata, predmeta i druge dokumentacije i arhive ukinutih logističkih centara i Ministarstva izvršit će se u skladu sa Uputstvom o postupku primopredaje službenih akata između ukinutih i novoobrazovanih organa uprave ("Službeni list SRBiH", broj 43/90).

Član 16.

Logistički centri za humanitarnu pomoć na teritoriji Republike Hrvatske osnovani Odlukom o osnivanju logističkih centara za humanitarnu pomoć na teritoriji Republike Hrvatske ("Službeni list RBiH", broj 11/93) prestaju sa radom, u roku od osam dana od dana stupanja na snagu ove uredbe.

Odluku o preuzimanju radnika, opreme, inventara i drugih stvari, arhive, akata, predmeta i druge dokumentacije i sredstava za rad ukinutih logističkih centara za humanitarnu pomoć na teritoriji Republike Hrvatske donijele Vlada RBiH, u roku od 60 dana od dana stupanja na snagu ove uredbe.

Član 17.

Danom stupanja na snagu ove uredbe prestaje da važi Odluka o osnivanju logističkih centara za snabdijevanje stanovništva Republike Bosne i Hercegovine ("Službeni list RBiH", broj 11/93) i Odluka o osnivanju logističkih centara za humanitarnu pomoć na teritoriji Republike Hrvatske ("Službeni list RBiH", broj 11/93).

Član 18.

Ova uredba stupa na snagu danom objavljivanja u "Službenom listu RBiH".

PR broj 1631/94
5. aprila 1994. godine
Sarajevo

Predsjednik
Predsjedništva RBiH,
Alija Izetbegović, s. r.

136

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, donijelo je

UREDBU SA ZAKONSKOM SNAGOM

O PROGLAŠENJU 6. APRILA-TRAVNJA DANOM MEDUNARODNOG PRIZNANJA REPUBLIKE BOSNE I HERCEGOVINE

Član 1.

Proglašava se dan 6. april-travanj Danom međunarodnog priznanja Republike Bosne i Hercegovine.

Član 2.

Utvrđuje se da je Dan međunarodnog priznanja Republike Bosne i Hercegovine državni praznik i radni dan.

Član 3.

Ova uredba stupa na snagu danom donošenja, a objavljuje se u "Službenom listu RBiH".

V broj 1628/94
5. aprila 1994. godine
Sarajevo

Predsjednik
Predsjedništva RBiH,
Alija Izetbegović, s. r.

137

Na osnovu Amandmana LI tačke 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 5. aprila 1994. godine, donijelo je

ODLUKU

O-RAZRJEŠENJU SUDIJA REDOVNIH SUDOVA

I

Razrješava se dužnosti sudije Vrhovnog suda Bosne i Hercegovine STOJANOVIĆ ZAGORKA sa danom 14. marta 1994. godine radi odlaska u penziju.

II

Razrješava se dužnosti sudije Višeg suda u Zenici AJANOVIĆ DIJANA radi obavljanja advokatske djelatnosti.

III

Razrješava se dužnosti sudije Osnovnog suda I u Sarajevu JAMAKOVIĆ AZRA radi odlaska na drugu dužnost.

IV

Ovu odluku objaviti u "Službenom listu RBiH".

Broj 02-111-251/94
5. aprila 1994. godine
Sarajevo

Predsjednik
Predsjedništva RBiH,
Alija Izetbegović, s. r.

138

Na osnovu Amandmana LI tačka 5. stav 3. na Ustav Republike Bosne i Hercegovine i člana 61. Uredbe sa zakonskom snagom o obrazovanju i radu okruga ("Službeni list RBiH", br. 12/92, 14/92, 18/92, 21/92, 3/93 i 22/93), Predsjedništvo Republike Bosne i Hercegovine, na sjednici od 5. aprila 1994. godine, donosi

ODLUKU

O IMENOVANJU RATNIH PREDSEDNIŠTAVA SKUPŠTINE OPŠTINE BOSANSKA DUBICA, ČELINAC, PRNJAVOR, KOTOR VAROŠ I BOSANSKA GRADIŠKA

I

U ratno predsjedništvo Skupštine opštine Bosanska Dubica imenuju se:

1. BOSNIĆ REFIK, za predsjednika
2. VELADŽIĆ HALID, za člana
3. ALAGIĆ JASMIN, za člana.

II

U ratno predsjedništvo Skupštine opštine Čelinać imenuju se:

1. MAŠIĆ MUJO, za predsjednika
2. TOPLIĆ ESAD, za člana
3. KOVAČ RAMADAN, za člana
4. MUJKANOVIĆ VAHID, za člana
5. SAČIĆ DEDO, za člana
6. MUJKANOVIĆ FARUK, za člana
7. MEMIĆ OSMAN, za člana.

III

U ratno predsjedništvo Skupštine opštine Prnjavor imenuju se:

1. FAZLIĆ RASIM, za predsjednika
2. MIRZA LUBENOVIĆ, za člana
3. PLAVOTIĆ RASIM, za člana
4. KORKALIĆ MUHAREM, za člana
5. KORKALIĆ RASIM, za člana.

IV

U ratnom predsjedništvu Skupštine opštine Kotor Varoš razrješavaju se:

1. SKOPLJAK HAZIM, član
2. KOVAČEVIĆ ZIJAD, član
3. PLANINČIĆ RIFET, član.

U ratno predsjedništvo Skupštine opštine Kotor Varoš imenuju se:

1. LOZIĆ SEMKO, za člana
2. BEČULIĆ HIDAJET, za člana.

V

U ratno predsjedništvo Skupštine opštine Bosanska Gradiska imenuje se:

1. TELJIGOVIĆ MIRSAĐ, za predsjednika
2. IBRIŠEVIĆ MUHAREM, za člana
3. CAMPARA OMER, za člana
4. BILIĆ KADIR, za člana
5. BOŠNJAK EDINA, za člana
6. HAVEŠEVIĆ MURIS, za člana
7. MUJACIĆ HUSREF, za člana
8. HADŽIĆ ZIJAD, za člana
9. MUJAGIĆ IBRAHIM, za člana.

VI

Ovu odluku objaviti u "Službenom listu RBiH".

Broj 02-111-257/94
5. aprila 1994. godine
Sarajevo

Predsjednik
Predsjedništva RBiH,
Alija Izetbegović, s. r.

139

Na osnovu Amandmana LI tačka 5. stav 3. na Ustav Republike Bosne i Hercegovine i člana 61. Uredbe sa zakonskom snagom o obrazovanju i radu okruga ("Službeni list RBiH", br. 12/92, 14/92, 18/92, 21/92, 3/93 i 22/93), Predsjedništvo Republike Bosne i Hercegovine, na sjednici od 5. aprila 1994. godine, donosi

ODLUKU

O IMENOVANJU RATNOG PREDSJEDNIŠTVA
SKUPŠTINE OPŠTINE ČELIĆ

Član 1.

Imenuje se ratno predsjedništvo Skupštine opštine Čelić:

1. ŠADIĆ MUHAMED, za predsjednika,
2. ČELIKOVIĆ MERSUDIN, za predsjednika Izvršnog odbora,
3. MUJKIĆ SALIH, za načelnika Odjeljenja Ministarstva odbrane opštine - član,
4. SALKIĆ ARIF, za načelnika Stanice javne bezbjednosti - član,
5. RIBIĆ HALID, za komandanta Štaba civilne zaštite - član,
6. GRABUS EJUB, predsjednik Kluba odbornika SDA - član.

Član 2.

Ratno predsjedništvo Skupštine opštine Čelić rukovodi otporom na području opštine Čelić i dužno je u što kraćem roku obezbijediti rad ostalih državnih organa, organizacija i ustanova.

Ratno predsjedništvo Skupštine opštine Čelić odlučuje o pitanjima iz nadležnosti Skupštine opštine Čelić ako ne postoji mogućnost da se ona sastane.

Ratno predsjedništvo Skupštine opštine Čelić je dužno da odluke koje je *prijemio* iz nadležnosti Skupštine opštine Čelić podnese na potvrdu Skupštini čim ona bude u mogućnosti da se sastane.

Član 3.

Ratno predsjedništvo Skupštine opštine Čelić će način rada Predsjedništva i ostvarivanja rukovođenja otporom regulisati Poslovnikom o radu Predsjedništva.

Član 4.

Ova odluka objaviće se u "Službenom listu RBiH".

Broj 02-111-256/94
5. aprila 1994. godine
Sarajevo

Predsjednik
Predsjedništva RBiH,
Alija Izetbegović, s. r.

140

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 5. aprila 1994. godine, donijelo je

ODLUKU

O RAZRJEŠENJU ZAMJENIKA OSNOVNOG JAVNOG
TUŽIOCA I U SARAJEVU

Razrješava se dužnosti zamjenika Osnovnog javnog tužioca I u Sarajevu PIRAGIĆ KORNELIJA sa danom 21. novembra 1993. godine radi neopravdanog izostanka sa posla.

II

Ovu odluku objaviti u "Službenom listu RBiH".

Broj 02-111-255/94
5. aprila 1994. godine
Sarajevo

Predsjednik
Predsjedništva RBiH,
Alija Izetbegović, s. r.

141

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 30. marta 1994. godine, donijelo je

ODLUKU

O RAZRJEŠENJU I IZBORU PREDSJEDNIKA
RATNOG PREDSJEDNIŠTVA OPŠTINE MOSTAR I
IZBOR PREDSJEDNIKA PREDSJEDNIŠTVA
OKRUGA MOSTAR

I

Razrješava se dužnosti predsjednika Ratnog predsjedništva opštine Mostar SMAIL KLARIĆ.

II

Za predsjednika Ratnog predsjedništva opštine Mostar izabran je SAFET ORUČEVIĆ.

III

Za predsjednika Predsjedništva Okruga Mostar izabran je SMAIL KLARIĆ.

IV

Ovu odluku objaviti u "Službenom listu RBiH".

Broj 02-111-245/94
30. marta 1994. godine
Sarajevo

Predsjednik
Predsjedništva RBiH,
Alija Izetbegović, s. r.

142

Na osnovu člana 43. Uredbe sa zakonskom snagom o Vladi Republike Bosne i Hercegovine ("Službeni list RBiH", broj 25/93), Vlada Republike Bosne i Hercegovine, donosi

ODLUKU

O PROMETU ZA STRANA SREDSTVA PLAĆANJA I
ODREĐIVANJU MAKSIMALNE CIJENE NAFTNIH
DERIVATA U REPUBLICI BOSNI I HERCEGOVINI

I

Promet naftnih derivata za strana sredstva plaćanja u Republici Bosni i Hercegovini vrši se u skladu sa Uredbom sa zakonskom snagom o prodaji roba za strana sredstva plaćanja ("Službeni list RBiH", br. 23/92, 4/93 i 13/93 - u daljem tekstu: Uredba).

II

Ako ne postoje uslovi da se promet naftnih derivata vrši u maloprodaji putem benzinskih pumpi, promet naftnih derivata može se vršiti i putem instalacija i skladišta koja posjeduju urednu dokumentaciju i dozvolu za obavljanje maloprodaje.

Promet naftnih derivata iz stava 1. ove tačke vrši se pod uslovima i na način propisan Uredbom.

III

Cijena naftnih derivata utvrđuje se u skladu sa članom 8. Uredbe, s tim da maksimalna cijena iznosi, i to do:

3 DEM za dizel goriva (D1, D2, D3) - za jedan litar
4 DEM za motorne benzine (MB-86, MB-98, BMB-95) - za jedan litar.

Naplata na prodajnim mjestima može se vršiti i u drugim stranim konvertibilnim sredstvima plaćanja uz preračunavanje u DEM prema važećem srednjem kursu Narodne banke Bosne i Hercegovine.

IV

Kvalitet naftnih derivata u prometu mora odgovarati važećim propisima, što se dokazuje uvjerenjem o kvalitetu za svaku isporuku.

Uvjerenje o kvalitetu izdaje ovlaštena organizacija.

V

Promet naftnih derivata ne može se obavljati iz prevoznog sredstva.

VI

Novčanom kaznom od jednostrukog iznosa vrijednosti robe po maksimalnoj cijeni naftnog derivata iz tač. III Odluke kazniće se preduzeće, odnosno drugo pravno lice za prekršaj:

1. ako vrši promet naftnih derivata, a nije registrovano za taj promet (tačka I Odluke) ili ne posjeduje upotrebnu dozvolu za benzinsku stanicu, instalaciju ili skladište za promet naftnih derivata (tačka II Odluke);

2. ako naftne derivate stavlja u promet po višim cijenama od propisanih maksimalnih cijena (iz tačke III Odluke);

3. ako naftne derivate stavlja u promet bez uvjerenja o kvalitetu (tačka IV Odluke);

4. ako vrši promet naftnih derivata iz prevoznog sredstva (tačka V Odluke).

Za prekršaje iz stava 1. ove tačke kazniće se i odgovorno lice u preduzeću, odnosno drugom pravnom licu novčanom kaznom do polovine jednostrukog iznosa vrijednosti robe po maksimalnoj cijeni naftnog derivata.

VII

Ovlašteni inspektor ili radnik policije može privremeno oduzeti naftne derivate koji su predmet prekršaja iz tač. II, IV i V ove odluke na način da se oduzeti naftni derivati uskladište u najbliže skladište naftnih derivata.

Ovlašte i inspektor ili radnik policije može privremeno oduzeti prevozno sredstvo kojim se vrši prekršaj iz tačke V ove odluke.

VIII

Ova odluka stupa na snagu danom objavljivanja u "Službenom listu RBiH".

V broj 75/94
6. aprila 1994. godine
Sarajevo

Predsjednik
Vlade RBiH,
dr Haris Silajdžić, s. r.

143

Na osnovu člana 16. tačka 19. Uredbe sa zakonskom snagom o obrani ("Službeni list RBiH", br. 4/92, 9/92, 19/92, 11/93, 17/93 i 6/94) i člana 43. Uredbe sa zakonskom snagom o Vladi Republike Bosne i Hercegovine ("Službeni list RBiH", broj 25/93), Vlada Republike Bosne i Hercegovine, donosi

ODLUKU

O PRIORITETIMA U SNABDIJEVANJU
ELEKTRIČNOM ENERGIJOM

I

Ovom odlukom utvrđuju se prioriteti u procesu snabdijevanja električnom energijom; za vrijeme ratnog stanja ili neposredne ratne opasnosti, na teritoriji Republike Bosne i Hercegovine (u daljem tekstu: Republika).

II

Subjekti koji učestvuju u utvrđivanju prioriteta u raspodjeli električne energije su odgovarajuća Ministarstva (njihovi uredi ili organi koje ona ovlašte), Izvršni odbori okruga i Izvršni odbori opština (za grad Sarajevo Izvršni odbor Grada) i Javno preduzeće Elektroprivreda Bosne i Hercegovine (u daljem tekstu: Javno preduzeće) preko svojih područnih elektrodistribucija.

Ministarstva koja učestvuju u utvrđivanju redosljedne liste prioriteta iz okvira svoje djelatnosti su: Ministarstvo namjenske proizvodnje, Ministarstvo odbrane, Ministarstvo privrede i Ministarstvo unutrašnjih poslova.

III

Redosljedne liste podrazumijevaju spisak zahtijevanih korisnika uređen po stepenu važnosti sa potrebnom snagom, vremenskim režimom korištenja i adresom.

IV

Iz ukupno raspoloživih količina električne energije, na teritoriji Republike, prvo se podmiruju glavni objekti za proizvodnju (uglavnom rudnici) prenos i distribuciju električne energije, tj. objekti bez kojih elektroenergetski sistem ne može da funkcioniše.

Ove potrebe utvrđuje Javno preduzeće.

V

Preostale raspoložive količine namijenjene su za opskrbu prioritetnih korisnika i ostalih potrošača.

Javno preduzeće na osnovu potreba prioritetnih korisnika i potreba stanovništva vrši globalnu raspodjelu raspoloživih količina električne energije po okruzima i opštinama.

VI

Raspoložive količine električne energije namijenjene za potrebe prioritetnih korisnika raspoređuju se u procentualnim iznosima prema utvrđenim listama prioriteta.

Ministarstvo namjenske proizvodnje svoju listu prioriteta dostavlja Ministarstvu privrede, koje utvrđuje jedinstvenu listu iz djelatnosti ova dva Ministarstva.

Ministarstvo odbrane i Ministarstvo unutrašnjih poslova utvrđuju svoje redosljedne liste prioriteta, koje se preko Ministarstva privrede ili ministara koordinatore dostavljaju Javnom preduzeću, odnosno područnim elektrodistribucijama.

U iznimnim slučajevima, ove redosljedne liste mogu se direktno dostaviti područnoj elektrodistribuciji.

Izvršni odbori okruga i opština (Grada), dostavljaju svoje redosljedne liste direktno Javnom preduzeću, odnosno područnoj elektrodistribuciji.

VII

Utvrđeni procentualni odnosi za pojedine subjekte su:

- | | |
|-------------------------------------|--------|
| 1. Ministarstvo privrede | do 50% |
| 2. Ministarstvo odbrane | do 5% |
| 3. Ministarstvo unutrašnjih poslova | do 5% |
| 4. Izvršni odbori okruga | do 30% |
| 5. Izvršni odbori opština (Grada) | do 10% |

Ovisno od raspoloživih količina, tehničkih mogućnosti i zahtjeva pojedinih subjekata, ovi odnosi mogu se promijeniti, samo uz saglasnost Ministarstva privrede.

VIII

Izvršni odbori okruga utvrđuju redosljednu listu prioritetnih korisnika (klinike, bolnice, glavni objekti urgentne medicine, veće pekare, glavni objekti vodo-snabdijevanja, željeznica i ostali saobraćaj, glavni objekti najvažnijih informativnih glasila, toplifikacioni sistemi, Akademija nauka i umjetnosti, pravosuđni organi, rektorati političke stranke republičkog značaja, visoko i srednje obrazovanje, vjerska poglavarstva, pogrebna društva i proizvodnja opreme za sahranjivanje i ostale institucije i preduzeća od značaja za okrug).

Izvršni odbori opština (Izvršni odbor grada), utvrđuju redosljednu listu prioritetnih korisnika (domovi zdravlja, centri za raseljena lica, kuhinje za masovnu ishranu stanovništva, humanitarne organizacije, ostali objekti PTT saobraćaja i vodo-snabdijevanja, ostale pekare, lokalne radio-televizijske sta-

nice, radio amateri, vjerski objekti, stacionari, osnovne škole, ambulante, apoteke, izdavačka, kulturna, finansijska i sportska djelatnost i ostale institucije i preduzeća od značaja za opštinu, odnosno grad).

IX

Javno preduzeće odnosno područja elektrodistribucija utvrđuje moguće isporuke električne energije sa aspekta tehničke izvodljivosti, racionalnosti i broja prioriteta korisnika, osim za izuzetno značajne objekte, za koje nisu u cijelosti ispunjeni svi prethodni uslovi. Opskrba usvojenih prioriteta korisnika se vrši u procentima utvrđenim u tački VII ove odluke.

U cilju racionalnosti korištenja električne energije Javno preduzeće odnosno područna elektrodistribucija može uvesti dodatna ograničenja unutar odobrenih procenata, praviti periodične planove isporuka, i slično.

X

Ukoliko se utvrdi da se prioritetni korisnici ne pridržavaju utvrdjenih tehničkih pravila, odobrenih snaga i režima rada ili omogućavaju drugim potrošačima priključenje na nedozvoljen način, područna elektrodistribucija obustavlja privremeno isporuku električne energije, o čemu izvještava subjekt koji je dati prioritet stavio na listu.

XI

Danom stupanja na snagu ove odluke prestaje da važi Odluka o prioritetima u snabdijevanju energijom i energijom ("Službeni list RBiH", broj 18/92).

XII

Ova odluka stupa na snagu danom objavljivanja u "Službenom listu RBiH".

V broj 74/94
6. aprila 1994. godine
Sarajevo

Predsjednik
Vlade RBiH,
dr Haris Silajdžić, s. r.

144

Na osnovu člana 8. Uredbe sa zakonskom snagom o primjeni Zakona o finansiranju opštih društvenih potreba ("Službeni list RBiH", br. 11/92, 3/93, 8/93 i 11/93), Vlada Republike Bosne i Hercegovine, donosi

ODLUKU

O DOPUNSKIM SREDSTVIMA OPŠTINAMA I GRADU SARAJEVU ZA PERIOD JANUAR-MART 1994. GODINE

I

Opštini i gradu Sarajevu, koji za vrijeme neposredne ratne opasnosti i za vrijeme ratnog stanja ne mogu finansirati opšte društvene potrebe, kao i opštini čiji su organi izmješteni sa privremeno okupiranog područja, Republika Bosna i Hercegovina obezbjeđuje dopunska sredstva.

II

Dopunska sredstva za period januar-mart 1994. godine obezbjeđuju se u iznosu od 250.000.000.000 dinara, i to:

OPŠTINA - u 000 din. -	OPŠTINA - u 000 din. -
1. Banovići 603.700	14. Čajniče 339.250
2. Banja Luka 667.500	15. Derventa 307.700
3. Bihać 2.353.380	16. Doboje 307.100
4. Bijeljina 860.400	17. Donji Vakuf 447.100
5. Bileća 226.850	18. Foča 499.100
6. Bosanski Brod 334.150	19. Fojnica 283.150
7. Bosanski Novi 566.350	20. Gacko 302.800
8. Bosanski Petrovac 334.150	21. Goražde 1.043.150
9. Bratunac 477.500	22. Gor. Vakuf 453.900
10. Breza 396.650	23. Gračanica 894.450
11. Bugojno 1.058.450	24. Gradačac 894.450
12. Busovača 447.100	25. Han Pijesak 282.700
13. Cazin 624.900	26. Jablanica 894.150

27. Jajce 596.550	52. Srbac 358.550
28. Kakanj 509.150	53. Srebrenica 680.700
29. Kalesija 745.700	54. Srebrenik 755.100
30. Kalinovik 282.700	55. Stolac 527.500
31. Kiseljak 452.700	56. Šekovići 200.100
32. Kladanj 596.100	57. Šipovo 283.150
33. Ključ 498.800	58. Teslić 751.300
34. Konjic 596.650	59. Tešanj 994.230
35. Kotor Varoš 453.000	60. Travnik 5.800.000
36. Kreševo 283.200	61. Trebinje 407.300
37. Lukavac 1.491.350	62. Tuzla 37.000.000
38. Maglaj 1.359.800	63. Ugljevik 358.550
39. Modriča 498.800	64. Vareš 937.550
40. Mostar 36.000.000	65. V. Kladuša 597.000
41. Mrkonjić Grad 678.850	66. Visoko 9.500.000
42. Nevesinje 320.350	67. Višegrad 396.750
43. Novi Travnik 894.150	68. Vitez 596.550
44. Olovo 1.275.550	69. Vlasenica 407.300
45. Prijedor 572.100	70. Zavidovići 876.800
46. Prozor 527.500	71. Zenica 28.000.000
47. Rogatica 596.100	72. Zvornik 905.850
48. Rudo 302.450	73. Žepče 529.000
49. Sanski Most 634.500	74. Živinice 905.450
50. Skender Vakuf 529.000	75. Grad
51. Sokolac 302.410	Sarajevo 91.333.730

III

Grad Sarajevo izvršit će raspodjelu dopunskih sredstava za deset gradskih opština.

IV

Ova odluka stupa na snagu danom objavljivanja u "Službenom listu RBiH".

V broj 56/94
6. aprila 1994. godine
Sarajevo

Predsjednik
Vlade RBiH,
dr Haris Silajdžić, s. r.

145

Na osnovu člana 44. stav 2. Uredbe sa zakonskom snagom o Vladi Republike Bosne i Hercegovine ("Službeni list RBiH", broj 25/93), Vlada Republike Bosne i Hercegovine, donosi

ODLUKU

O DODJELI I KORIŠTENJU DETAŠMANA U SAVEZNOJ REPUBLICI NJEMAČKOJ

I

Dodjelu detašmana preduzećima registrovanim u Republici Bosni i Hercegovini za rad u Saveznoj Republici Njemačkoj vrši ministar za izbjeglice, rad i socijalnu zaštitu (u daljem tekstu: ministar).

II

Dodjelu detašmana ministar vrši na osnovu uputstva o dodjeli i korištenju detašmana u Saveznoj Republici Njemačkoj.

Uputstvo iz stava 1. ove tačke naročito sadrži: način prijavljivanja za dodjelu detašmana, uslove koje preduzeće mora da ispunjava kod prijave za dodjelu detašmana, kriterije za dodjelu detašmana, prava i obaveze korisnika detašmana i način njihovog rada.

III

Preduzeće kojem je dodijeljena određena kvota detašmana dužno je platiti taksu za svaki pojedini detašman Republici Bosni i Hercegovini u iznosu od 3000 DM iz stava 1. ove tačke.

Preduzeće je dužno uplatiti taksu u korist republičkog budžeta.

Preduzeće je dužno platiti doprinos za zdravstveno osiguranje po važećim stopama na visinu plate radnika u Saveznoj Republici Njemačkoj na račun koji odredi ministar za zdravlje u saradnji sa ministrom finansija.

IV

Preduzeća kojima je dodijeljena kvota detašmana dužna su, nakon sklapanja ugovora i prije započinjanja posla, ovjeriti ugovore sa investitorima. Ovjeru ugovora vrši Ministarstvo za izbjeglice, rad i socijalnu zaštitu, ili Ambasada Republike Bosne i Hercegovine u Bonu - Savezna Republika Njemačka.

Ministar može vršiti kontrolu ugovora iz stava 1. ove tačke.

V

Izvještaj o dodjeli i korištenju detašmana razmatra Vlada Republike Bosne i Hercegovine, na prijedlog ministra najmanje dva puta godišnje.

Preduzeća su dužna dati podatke za izvještaj iz stava 1. ove tačke o izvršenim poslovima, završnom računu u Saveznoj Republici Njemačkoj i poreskom prijavom koju je podnijelo nadležnom organu u Saveznoj Republici Njemačkoj.

Ukoliko preduzeće ne iskoristi dodijeljenu kvotu detašmana, pa na osnovu toga nastupi šteta za Republiku Bosnu i Hercegovinu, ta kvota će biti dodijeljena drugom preduzeću, a preduzeće koje nije iskoristilo dodijeljenu kvotu detašmana, dužno je platiti taksu za detašman za taj period.

VI

Uputstvo iz tačke II ove odluke donijeti će ministar u roku od osam dana od dana stupanja na snagu ove odluke.

VII

Ova odluka stupa na snagu danom objavljivanja u "Službenom listu RBiH".

V broj 76/94
6. aprila 1994. godine
Sarajevo

Predsjednik
Vlade RBiH,
dr Haris Silajdžić, s. r.

146

Na osnovu člana 39. Uredbe sa zakonskom snagom o Vladi Republike Bosne i Hercegovine ("Službeni list RBiH", broj 25/93), Vlada Republike Bosne i Hercegovine, na prijedlog ministra obrazovanja, nauke, kulture i sporta, donosi

ODLUKU

O OBUSTAVI OD IZVRŠENJA ČLANA 1. STAV 1. ODLUKE SKUPŠTINE OKRUGA TUZLA O OSNIVANJU FILOZOFSKOG FAKULTETA

I

Obustavlja se, do odluke Ustavnog suda Bosne i Hercegovine, izvršenje člana 1. stava 1. Odluke Skupštine okruga Tuzla o osnivanju Filozofskog fakulteta u Tuzli broj: 01-021-1426/93 od 27. decembra 1993. godine u dijelu kojim je propisano da Skupština okruga Tuzla osniva Filozofski fakultet u Tuzli "kao javnu visokoškolsku ustanovu u državnoj svojini", jer Vlada Republike Bosne i Hercegovine smatra da navedena odredba nije u skladu sa Zakonom o univerzitetu ("Službeni list SRBiH", broj 39/90 i "Službeni list RBiH", br. 3/93 i 24/93).

Vlada Republike Bosne i Hercegovine podnijeće Ustavnom sudu Bosne i Hercegovine prijedlog za ocjenu zakonitosti člana 1. stava 1. Odluke o osnivanju Filozofskog fakulteta u Tuzli, u roku od osam dana od dana donošenja ove odluke.

II

Ova odluka stupa na snagu danom objavljivanja u "Službenom listu RBiH".

V broj 77/94
6. aprila 1994. godine
Sarajevo

Predsjednik
Vlade RBiH,
dr Haris Silajdžić, s. r.

147

Na osnovu člana 39. Uredbe sa zakonskom snagom o Vladi Republike Bosne i Hercegovine ("Službeni list RBiH", broj 25/93), Vlada Republike Bosne i Hercegovine, na prijedlog ministra obrazovanja, nauke, kulture i sporta, donosi

ODLUKU

O OBUSTAVI OD IZVRŠENJA ČLANA 1. STAV 1. ODLUKE SKUPŠTINE OKRUGA TUZLA O OSNIVANJU DEFEKTOLOŠKOG FAKULTETA

I

Obustavlja se, do odluke Ustavnog suda Bosne i Hercegovine izvršenje člana 1. stav 1. Odluke Skupštine Okruga Tuzla o osnivanju Defektološkog fakulteta u Tuzli broj: 01-021-1080/93 od 23. septembra 1993. godine u dijelu kojim je propisano da Skupština okruga Tuzla osniva Defektološki fakultet u Tuzli "kao javnu visokoškolsku ustanovu u državnoj svojini", jer Vlada Republike Bosne i Hercegovine smatra da navedena odredba nije u skladu sa Zakonom o univerzitetu ("Službeni list SRBiH", broj 39/90 i "Službeni list RBiH", br. 3/93 i 24/93).

Vlada Republike Bosne i Hercegovine podnijeće Ustavnom sudu Bosne i Hercegovine prijedlog za ocjenu zakonitosti člana 1. stav 1. Odluke o osnivanju Defektološkog fakulteta u Tuzli, u roku od osam dana od dana donošenja ove odluke.

II

Ova odluka stupa na snagu danom objavljivanja u "Službenom listu RBiH".

V broj 78/94
6. aprila 1994. godine
Sarajevo

Predsjednik
Vlade RBiH,
dr Haris Silajdžić, s. r.

148

Na osnovu člana 24. stav 1. Uredbe sa zakonskom snagom o ministarstvima i drugim organima državne uprave ("Službeni list RBiH", broj 25/93), Vlada Republike Bosne i Hercegovine, donosi

RJEŠENJE

O IMENOVANJU SEKRETARA MINISTARSTVA UNUTRAŠNJIH POSLOVA

Za sekretara Ministarstva unutrašnjih poslova imenuje se ŽELJKO VARUNEK.

Ovo rješenje objaviti u "Službenom listu RBiH".

V broj 50/94
29. marta 1994. godine
Sarajevo

Predsjednik
Vlade RBiH,
dr Haris Silajdžić, s. r.

149

Na osnovu člana 240. stav 2. Zakona o izvršenju krivičnih i prekršajnih sankcija - Prečišćeni tekst ("Službeni list SRBiH", br. 2/84, 12/87, 25/88 i 27/90), ministar zdravlja, izdaje

NAREDBU

O ODREĐIVANJU ZDRAVSTVENE USTANOVE U KOJOJ ĆE SE IZVRŠAVATI MJERA BEZBJEDNOSTI OBAVEZNOG PSIHIJATRIJSKOG LIJEČENJA

1. Određuje se Kliničko-bolničko-univerzitetski medicinski centar "Dr Mustafa Mujbegović" Tuzla kao zdravstvena ustanova koja će obezbijediti izvršavanje mjere bezbjednosti obaveznog psihijatrijskog liječenja za područje okruga Tuzla.

2. Ova naredba stupa na snagu danom objavljivanja u "Službenom listu RBiH".

Broj 06-5-67/94
25. marta 1994. godine
Sarajevo

Ministar
prof. dr Mustafa Beganović, s. r.

150

Na osnovu člana 240. stav 2. Zakona o izvršenju krivičnih i prekršajnih sankcija - Prečišćeni tekst ("Službeni list SRBiH", br. 2/84, 12/87, 25/88 i 27/90), ministar zdravlja, izdaje

NAREDBU**O ODREĐIVANJU ZDRAVSTVENE USTANOVE U KOJOJ ĆE SE IZVRŠAVATI MJERA BEZBJEDNOSTI OBAVEZNOG PSIHIJATRIJSKOG LIJEČENJA**

Određuje se Regionalni medicinski centar "Džemal Bijedić" Zenica, kao zdravstvena ustanova koja će obezbijediti izvršavanje mjere bezbjednosti obaveznog psihijatrijskog liječenja za područje okruga Zenica.

2. Ova naredba stupa na snagu danom objavljivanja u "Službenom listu RBiH".

Broj 06-5-68/94

25. marta 1994. godine

Sarajevo

Ministar

prof. dr Mustafa Beganović, s. r.

151

Na osnovu člana 63. stav 2. Uredbe sa zakonskom snagom o šumama ("Službeni list RBiH", broj 23/93), Ministarstvo privrede, donosi

PRAVILNIK**O PROVOĐENJU ŠUMSKOG REDA U ŠUMAMA U DRŽAVNOM VLASNIŠTVU****Član 1.**

Ovim pravilnikom reguliše se provođenje i trajno održavanje šumskog reda u šumama u državnom vlasništvu kojim gazduje Preduzeće za šume ili drugo pravno lice.

Pod šumskim redom podrazumijeva se provođenje mjera u cilju sprječavanja pojava požara, štetnih insekata i biljnih bolesti, sprječavanje štetnog djelstva vjetra, snijega i drugih elementarnih nepogoda, oštećivanje stabala prilikom sječe i izvoza drvnih sortimenata, kao i mjere za zaštitu podmlatka.

Član 2.

U šumi, na šumskom zemljištu i u neposrednoj blizini šume, zabranjeno je odlaganje i paljenje smeća, piljevine i pilanskih otpadaka, kao i drugih otpadaka.

Član 3.

Sva zaražena i bolesna stabla, vjetrolomi, izvaljena stabla i sušike (slučajni užici), moraju se posjeći i izraditi.

Sječu i izradu slučajnih užitaka nastalih u proljeće treba izvršiti najkasnije do 1. juna, a sječu i izradu slučajnih užitaka nastalih u toku zime treba izvršiti do 1. aprila.

Član 4.

Prilikom sječe: stabla se moraju obarati u onom pravcu gdje će biti najmanje štete za podmladak, susjedna stabla i zemljište.

Na strmim terenima stabla se moraju obarati uzbrdo osim kada je to nemoguće zbog položaja stabala ili rasporeda dubećih stabala. Pravac obaranja takvih stabala, projektant je dužan obilježiti strijelicom.

Prije sječe stabala koja se nalaze u mladcima, sa donjih dijelova krošnje obavezno treba okresati grane.

Član 5.

Korenje stabala i panjeva posječenih stabala četinarica i brijesta obavezno je u vremenu od 1. aprila do 31. oktobra, ako se ne vrši tretiranje insekticidima.

Grane i ovršci (prečnik debljeg kraja ispod 5 cm), kao i kora četinarica moraju se složiti u gomile-gromade, tako da se deblji krajevi grana okreću unutar gomile-gromade, na mjestima gdje nema podmlatka i najmanje 30 metara udaljenosti od saobraćajnica.

Grane lišćara moraju se skratiti na dužine do jednog metra i ravnomjerno razbacati po sječini.

Član 6.

Zabranjeno je saganje prostornog drveta uz živa dubeća stabla i na mjestima gdje postoji podmladak.

Član 7.

Visina panja može iznositi najviše jednu trećinu promjera panja.

Visina panja na strmom terenu mjeri se na gornjoj strani panja-terena.

Član 8.

Izvoz šumskih sortimenata od panja do šumskog stovarišta mora se vršiti po prethodno obilježenim i izgrađenim izvoznim putevima.

Izvozni putevi moraju biti projektovani i izgrađeni tako da se nikako ili minimalno oštećuje dubeća stabla, podmladak i zemljište.

Kod prebornih sječa nije dozvoljeno izvoziti cijela stabla iz šume.

Član 9.

Premjerba i žigosanje drvnih sortimenata može se vršiti tek nakon uspostavljanja šumskog reda propisanog čl. 4, 5, 6. i 7. ovog pravilnika.

Član 10.

Uspostavljeni šumski red mora se trajno održavati.

Član 11.

Ovaj pravilnik stupa na snagu danom objavljivanja u "Službenom listu RBiH".

M 07.3.1918/94

6. aprila 1994. godine

Sarajevo

Ministar

mr Faruk Smailbegović, s. r.

152

Na osnovu člana 66. stav 3. Uredbe sa zakonskom snagom o šumama ("Službeni list RBiH", broj 23/93), Ministarstvo privrede, donosi

PRAVILNIK**O ZADACIMA I NAČINU OBAVLJANJA DUŽNOSTI ČUVANJA ŠUMA, NAČINU ODIJEVANJA I OZNAKAMA, TE OBLIKU I SADRŽAJU LEGITIMACIJE ČUVARA ŠUMA****Član 1.**

Ovim pravilnikom regulišu se zadaci i način obavljanja dužnosti čuvanja šuma, načinu odijevanja i oznake, te oblik i sadržaj legitimacije čuvara šuma.

Član 2.

Osnovni zadaci čuvara šuma su sljedeći:

- čuvanje šuma od bespravne sječe i prisvajanja drveta;
- sprječavanje protivpravnog korištenja šumskog zemljišta;
- sprječavanje izvršavanja radnji iz člana 55. Uredbe sa zakonskom snagom o šumama;
- provođenje mjera zaštite šuma od požara;
- provođenje mjera zaštite šuma od biljnih bolesti i štetčina;
- konsignacija slučajnih užitaka;
- obavljanje poslova za dijagnozno-prognoznou službu (postavljanje revizionih i lovnih stabala, kloпки, osmatranje i izvještavanje);
- izvođenje šumsko-uzgojnih radova (pod kontrolom stručnjaka zaduženog za realizaciju izvodačkog projekta);
- manipulacija sa sjemenom i sadnim materijalom;
- kontrola uspostavljanja i održavanje šumskog reda;
- kontrola porijekla drveta na postrojenjima za uslužnu rezanje drveta (količina i vrsta sortimenta po otpremnom iskažu), uz upisivanje datuma kontrole u evidenciji rezanja.

Čuvar šuma obavezno vodi službeni knjigu-dnevnik u koju se svakodnevno upisuju izvršeni zadaci, uz sedmičnu ovjeru neposrednog rukovodioca.

Član 3.

Pravno lice koje gospodari šumama u državnom vlasništvu, može ovlastiti čuvara šuma i za čuvanje lova i ribolova u sporazumu sa pravnim licima koja se staraju o lovstvu i ribolovu.

Član 4.

Čuvari šuma vrše službu u uniformi i naoružani oružjem koje odredi pravno lice koje gospodari šumama u državnom vlasništvu.

Uniforma čuvara šuma mora biti zelena sa uobičajenim oznakama jedinstvenim za čitavu teritoriju Republike Bosne i Hercegovine.

Pravno lice koje gospodari šumama u državnom vlasništvu, može svojim opštim aktom odrediti vrstu, količinu i rok trajanja opreme za higijensko-tehničku zaštitu čuvara šuma (cipele, kabanice i dr.), kao i određenu količinu ogrijevnog drveta, samo u slučaju ako čuvar stanuje u lugarnici na terenu (u šumi).

Član 5.

Ovlaštenje za vršenje poslova čuvanja šuma, čuvar šuma dokazuje posebnom legitimacijom.

Legitimacija čuvara šuma je pravougaonog oblika dimenzija 9,5 cm × 6,5 cm i mora biti plastificirana. Na prednjoj strani nalazi se slika, podaci o pravnom licu koje gospodari šumama u državnom vlasništvu, tekst "LEGITIMACIJA ČUVARA ŠUMA", broj legitimacije, ime i prezime čuvara šuma, broj lične karte, potpis odgovornog lica i pečat pravnog lica koje je izdalo legitimaciju. Poledina legitimacije sadrži tekst prava i obaveza čuvara šuma iz člana 67. Uredbe sa zakonskom snagom o šumama.

Obrazac legitimacije čuvara šuma sastavni je dio ovog pravilnika.

Član 6.

Legitimaciju čuvara šuma izdaje pravno lice koje gospodari šumama u državnom vlasništvu i o izdatim legitimacijama vodi odgovarajuću evidenciju.

Član 7.

Ovaj pravilnik stupa na snagu danom objavljivanja u "Službenom listu RBiH".

M. 07-3-1917

6. aprila 1994. godine
Sarajevo

Ministar

mr Faruk Smailbegović, s. r.

Prilog 1.

OBRAZAC LEGITIMACIJE ČUVARA ŠUMA

Prednja strana

Slika 2,5x3,5 cm	Podaci o pravnom licu koje gospodari šumama u državnom vlasništvu LEGITIMACIJA ČUVARA ŠUMA BROJ _____
Ime i prezime _____ Broj lične karte _____ Potpis odgovornog lica _____ Pečat _____	

Poledina

Prava i obaveze čuvara šuma iz
člana 67. Uredbe sa zakonskom
snagom o šumama.

Po izvršenom savjetovanju sa izvornim tekstom, utvrđeno je da se u tekstu Uredbe sa zakonskom snagom o Vladi Republike Bosne i Hercegovine, koja je objavljena u "Službenom listu RBiH", broj 25/93, potkrale niže navedene greške, pa se daje

ISPRAVKA

UREDBE SA ZAKONSKOM SNAGOM O VLADI
REPUBLIKE BOSNE I HERCEGOVINE

- U članu 12. druga rečenica treba da bude stav 2.
U članu 19. druga rečenica treba da bude stav 2.
U članu 22. druga rečenica treba da bude stav 2.
U članu 29. u stavu 1. druga rečenica treba da bude stav 2.
U stavu 2. prva rečenica treba da bude stav 3., a druga rečenica stav 4.
U članu 31. u stavu 2. druga rečenica treba da bude stav 3.
U članu 38. u stavu 2. druga rečenica treba da bude stav 3.
U članu 44. u stavu 1. druga rečenica treba da bude stav 2.
U stavu 2. prva rečenica treba da bude stav 3., a druga rečenica stav 4.
U članu 45. stav 2. druga rečenica treba da bude stav 3., a treća rečenica treba da bude stav 4.
U članu 48. druga rečenica treba da bude stav 2.
U članu 49. stav 2. druga rečenica treba da bude stav 3.

PR broj Zamjenik generalnog sekretara
24. marta 1994. godine Predsjedništva RBiH,
Sarajevo Alija Selimović, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 1. Ustava Republike Bosne i Hercegovine i člana 72. tačka 1. Poslovnika Ustavnog suda Bosne i Hercegovine, na sjednici održanoj 24. marta 1994. godine, donio je

ODLUKU

Utvrđuje se da odredba člana 16. stav 2. Uredbe sa zakonskom snagom o pravu na izuzetnu penziju za vrijeme ratnog stanja ("Službeni list RBiH", broj 13/93), nije u saglasnosti sa Ustavom Republike Bosne i Hercegovine.

U smislu člana 395. Ustava Republike Bosne i Hercegovine, u vezi sa Amandmanom LI tačka 5. stav 3. na Ustav Republike Bosne i Hercegovine, ova odluka dostavlja se Predsjedništvu Republike Bosne i Hercegovine.

Ova odluka objaviće se u "Službenom listu RBiH".

Obrazloženje

Ustavni sud Bosne i Hercegovine, rješenjem od 28. 10. 1993. godine, pokrenuo je postupak za ocjenjivanje ustavnosti navedene odredbe Uredbe, po kojoj se protiv rješenja Ministarstva rada i socijalne politike o priznavanju prava i određivanju visine izuzetne invalidske penzije i rješenja o prestanku prava na ovu penziju, ne može izjaviti žalba niti pokrenuti upravni spor.

Prema Ustavu Republike Bosne i Hercegovine svakome je zajamčeno pravo na žalbu ili drugo pravno sredstvo protiv odluka sudova, državnih organa i drugih organa i organizacija, kojima se rješava o njegovom pravu ili na zakonom zasnovanom interesu (član 190. sta 2.). Zakonom se izuzetno, u određenim slučajevima, može isključiti žalba ako je na drugi način obezbijedena zaštita prava i zakonitosti (član 225. stav 2.). O zakonitosti konačnih pojedinačnih akata kojima državni organi ili organizacije i zajednice koje vrše javna ovlaštenja rješavaju o pravima ili obavezama, odlučuje sud u upravnom sporu, ako za određenu stvar nije zakonom predviđena druga sudska zaštita (član 226. stav 1.).

Polazeći od navedenih ustavnih odredaba Ustavni sud smatra da se osporenom odredbom Uredbe nije moglo isključiti pravo žalbe i pokretanje upravnog spora, jer zakonom nije predviđen drugi način zaštite prava i zakonitosti, odnosno

druga sudska zaštita. Na taj način povrijeđeno je pravo građana na pravnu zaštitu, pa osporena odredba, po ocjeni Ustavnog suda, nije u saglasnosti sa Ustavom Republike Bosne i Hercegovine.

Odluka U broj 24/93
24. marta 1994. godine
Sarajevo

Predsjednik
Ustavnog suda BiH,
prof. dr Ismet Dautbašić, s. r.

Državni zavod za statistiku Bosne i Hercegovine

Na osnovu člana 85. tač. 1. do 11. Uredbe sa zakonskom snagom o računovodstvu ("Službeni list RBiH", broj 2/92), Državni zavod za statistiku, utvrđuje

KOEFICIJENTE

RASTA CIJENA I KOEFICIJENTE RASTA TROŠKOVA ŽIVOTA U R BiH U FEBRUARU/VELJAČI 1994.

1. Mjesečni koeficijent rasta cijena proizvođača industrijskih proizvoda u mjesecu februaru/veljači 1994. godine u odnosu na prethodni mjesec je 0,183.
2. Koeficijent rasta cijena proizvođača industrijskih proizvoda od početka godine do kraja februara/veljače je 0,560.
3. Koeficijent prosječnog mjesečnog rasta cijena proizvođača industrijskih proizvoda od početka godine do kraja februara/veljače je 0,440.
4. Koeficijent rasta cijena proizvođača industrijskih proizvoda u mjesecu februaru/veljači 1994. godine u odnosu na isti mjesec prethodne godine je 44,170.
5. Mjesečni koeficijent rasta cijena na malo u mjesecu februaru/veljači ove godine u odnosu na prethodni mjesec je 0,184.
6. Koeficijent rasta cijena na malo od početka godine do kraja februara/veljače je 0,600.
7. Koeficijent prosječnog mjesečnog rasta cijena na malo od početka godine do kraja februara/veljače je 0,480.
8. Koeficijent rasta cijena na malo u februaru/veljači 1994. godine u odnosu na isti mjesec prethodne godine je 49,630.
9. Koeficijent rasta prosječnih troškova života u februaru/veljači 1994. godine u odnosu na prosjek prethodne godine je 4,990.

Broj 93
23. marta 1994. godine
Sarajevo

Direktor
dr Hasan Zolić, s. r.

Na osnovu člana 85. tač. 1. do 11. Uredbe sa zakonskom snagom o računovodstvu ("Službeni list RBiH", broj 2/92), Državni zavod za statistiku, utvrđuje

KOEFICIJENTE

RASTA CIJENA I KOEFICIJENTE RASTA TROŠKOVA ŽIVOTA U R BiH U MARTU/OŽUJKU 1994.

1. Mjesečni koeficijent rasta cijena proizvođača industrijskih proizvoda u mjesecu martu/ožujku 1994. godine u odnosu na prethodni mjesec je 0,414.
2. Koeficijent rasta cijena proizvođača industrijskih proizvoda od početka godine do kraja marta/ožujka je 1,200.
3. Koeficijent prosječnog mjesečnog rasta cijena proizvođača industrijskih proizvoda od početka godine do kraja marta/ožujka je 0,690.
4. Koeficijent rasta cijena proizvođača industrijskih proizvoda u mjesecu martu/ožujku 1994. godine u odnosu na isti mjesec prethodne godine je 33,250.
5. Mjesečni koeficijent rasta cijena na malo u mjesecu martu/ožujku ove godine u odnosu na prethodni mjesec je 0,077.

6. Koeficijent rasta cijena na malo od početka godine do kraja marta/ožujka je 0,730.

7. Koeficijent prosječnog mjesečnog rasta cijena na malo od početka godine do kraja marta/ožujka je 0,560.

8. Koeficijent rasta cijena na malo u martu/ožujku 1994. godine u odnosu na isti mjesec prethodne godine je 43,570.

9. Koeficijent rasta prosječnih troškova života u martu/ožujku 1994. godine u odnosu na prosjek prethodne godine je 5,180.

Broj 100.
6. aprila 1994. godine
Sarajevo

Direktor
dr Hasan Zolić, s. r.

SAOPŠTENJE - SAOPĆENJE PROSJEČAN ČISTI LIČNI/OSOBNİ DOHODAK OSTVAREN U 1993. GODINI U REPUBLICI BOSNI I HERCEGOVINI

1. Prosječan čisti lični/osobni dohodak ostvaren u Republici Bosni i Hercegovini u 1993. godini iznosi 523.000 BHD. U odnosu na prethodnu godinu indeks je 2244,3.
2. Prosječan čisti lični/osobni dohodak ostvaren u privredi Republike Bosne i Hercegovine u 1993. godini iznosi 603.725 BHD. U odnosu na prethodnu godinu indeks je 2646,7.
3. Prosječan čisti lični/osobni dohodak ostvaren u vanprivrednim djelatnostima Republike Bosne i Hercegovine u 1993. godini iznosi 415.374 BHD. U odnosu na prethodnu godinu indeks je 1571,5.

Broj 95
25. marta 1994. godine
Sarajevo

Direktor
dr Hasan Zolić, s. r.

SAOPŠTENJE - SAOPĆENJE PROSJEČAN MJESEČNI ČIST LIČNI/OSOBNİ DOHODAK JANUAR/SIJEČANJ 1994. GODINE

1. Prosječan čisti lični/osobni dohodak po radniku u Republici Bosni i Hercegovini za mjesec januar/siječanj 1994. godine iznosi 1.833.562 BHD. U odnosu na prethodni mjesec indeks je 199,5.
2. Prosječan čisti lični/osobni dohodak po radniku u privredi Republike Bosne i Hercegovine za mjesec januar/siječanj 1994. godine iznosi 1.448.526 BHD. U odnosu na prethodni mjesec indeks je 159,6.
3. Prosječan čisti lični/osobni dohodak po radniku u vanprivredi Republike Bosne i Hercegovine za mjesec januar/siječanj 1994. godine iznosi 3.471.610 BHD. U odnosu na prethodni mjesec indeks je 369,9.
4. Prosječan čisti lični/osobni dohodak po radniku u Republici Bosni i Hercegovini za period novembar/studen 1993 - januar/siječanj 1994. godine iznosi 1.246.120 BHD. U istom periodu prošle godine je iznosio 90.163 BHD.
5. Prosječan čisti lični/osobni dohodak po radniku u privredi Republike Bosne i Hercegovine - za period novembar/studen 1993 - januar/siječanj 1994. godine iznosi 1.197.992 BHD. U istom periodu prošle godine, prosječan čisti lični/osobni dohodak je iznosio 91.215 BHD.
6. Prosječan čisti lični/osobni dohodak po radniku u vanprivredi Republike Bosne i Hercegovine za period novembar/studen 1993 - januar/siječanj 1994. godine iznosi 1.702.040 BHD. U istom periodu prošle godine prosječan čisti lični/osobni dohodak je iznosio 89.216 BHD.

Broj 96
25. marta 1994. godine
Sarajevo

Direktor
dr Hasan Zolić, s. r.

Na osnovu člana 3. stav 7. Uredbe sa zakonskom snagom o računovodstvu ("Službeni list RBiH", broj 2/92), Državni zavod za statistiku Republike Bosne i Hercegovine, objavljuje

i Hercegovine, na sjednici održanoj 23. decembra/prosinca 1993. godine, donio je

SAOPĆENJE - SAOPŠTENJE O PROSJEČNOJ BRUTO ZARADI ODNOSNO PLATI ZAPOSLENIH U REPUBLICI BiH U 1993. GODINI

Prosječna mjesečna bruto zarada - plata zaposlenih u Republici Bosni i Hercegovini u 1993. godini iznosila je 921.787 BHD.

Broj 97
6. aprila 1994. godine
Sarajevo

Direktor
dr Hasan Zolić, s. r.

Narodna banka Bosne i Hercegovine

Na osnovu člana 82. Uredbe sa zakonskom snagom o Narodnoj banci Bosne i Hercegovine ("Službeni list RBiH", broj 1/93) člana 4. stav 3. Zakona o bankama i drugim finansijskim organizacijama ("Službeni list SFRJ", br. 10/89, 40/89, 87/89, 18/90 i 72/90) i Uredbe sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni, u dijelu člana 1. poglavlja I tačke 1. podtačke 18. ("Službeni list RBiH", broj 2/92), guverner Narodne banke Bosne i Hercegovine, donosi

ODLUKU

O IZMJENI ODLUKE O UTVRĐIVANJU VISINE MINIMALNOG IZNOSA OSNIVAČKOG FONDA BANKE

1. U Odluci o utvrđivanju visine minimalnog iznosa osnivačkog fonda banke ("Službeni list RBiH", br. 23/93 i 25/93) tačka 3. mijenja se i glasi:

"Banke koje su od Narodne banke Bosne i Hercegovine dobile dozvolu za osnivanje prije stupanja na snagu ove odluke, a koje ne ispunjavaju uslov iz tačke 1. ove odluke, dužne su da istu ispune najkasnije 31. XII 1994. godine, i to najmanje polovinu nedostajućih sredstava najkasnije posljednjeg dana polugodišta i po jednu četvrtinu nedostajućih sredstava najkasnije svakog posljednjeg dana u trećem odnosno četvrtom tromjesečju 1994. godine".

2. Ova odluka stupa na snagu danom donošenja, a objavit će se u "Službenom listu RBiH".

G broj 12/94
6. aprila 1994. godine
Sarajevo

Guverner
Narodne banke BiH,
Kasim Omićević, s. r.

Zadružni savez Bosne i Hercegovine

Na osnovu člana 30. Zakona o zemljoradničkom zadrugarstvu ("Službeni list SRBiH", broj 41/89) i člana 26. Statuta Zadružnog saveza Bosne i Hercegovine ("Službeni list SRBiH", broj 38/90) i ovlaštenja Skupštine Zadružnog saveza Bosne i Hercegovine, Izvršni odbor Zadružnog saveza Bosne

ODLUKU

O UTVRĐIVANJU OSNOVICE I STOPE ČLANSKOG DOPRINOSA, NAČINU I ROKOVIMA PLAĆANJA DOPRINOSA ZADRUŽNOM SAVEZU BOSNE I HERCEGOVINE ZA 1994. GODINU

Član 1.

Članski doprinos Zadružnom savezu Bosne i Hercegovine plaćaju: zemljoradničke zadruge, zadružna preduzeća, složeni oblici udruživanja zadružnih organizacija i drugi oblici udruživanja zemljoradnika, preduzeća i organizacije sa kojima zemljoradnici neposredno ili preko zemljoradničkih organizacija ostvaruju saradnju.

Zadružni savez Bosne i Hercegovine (u daljem tekstu: Savez) u ime svojih članica plaća doprinos Privrednoj komori Bosne i Hercegovine.

Član 2.

Osnovicu za obračun doprinosa Savezu za obveznike čini bruto lični dohodak za period za koji se vrši obračun bez umanjenja po osnovu oslobađanja i olakšica.

Član 3.

Članice Saveza plaćaju ukupan doprinos Savezu po stopi od 2‰ (promila) i to: po osnovnoj stopi od 1,15 promila i po dodatnim stopama od 0,20 promila za realizaciju projekta informacionog sistema i 0,65 promila po osnovu preuzetih nadležnosti koje je ranije obavljao bivši Zadružni savez Jugoslavije i po osnovu dijela doprinosa koje su uplaćivale članice Saveza bivšem Zadružnom savezu Jugoslavije.

Član 4.

Mjesečni iznos doprinosa uplaćuje se na žiro račun Zadružnog saveza Bosne i Hercegovine broj 10100-601-15388 na dan uplate poreza i doprinosa iz ličnih dohodaka.

Mjesečni iznos iz stava 1. ovog člana utvrđuje se tako da se stope iz člana 3. ove odluke primjene na bruto lični dohodak obračunat za tekući mjesec, odnosno mjesec za koji se uplaćuje iznos doprinosa bez obzira na broj isplata akontacija ličnog dohotka u toku mjeseca.

Član 5.

Za obračun mjesečnog iznosa doprinosa služi obrazac PK-1 koji se uz isplatu ličnog dohotka dostavlja službi društvenog knjigovodstva.

Obveznik doprinosa iz člana 1. ove odluke, uz periodični i godišnji obračun podnosi obrazac PK-2 službi društvenog knjigovodstva.

Član 6.

Uplatom doprinosa Savezu obveznik doprinosa iz člana 1. ove odluke nije dužan uplaćivati doprinose Privrednoj komori Bosne i Hercegovine.

Član 7.

Ova odluka stupa na snagu danom objavljivanja u "Službenom listu RBiH", a primjenjivaće se od 01. 01. 1994. godine.

Broj 22-1/93
23. decembra 1993. godine
Sarajevo

Potpredsjednik
Zadružnog saveza BiH,
Sava Pajkić, s. r.

OGLASNI DIO

DA BI SE IZBJEGLA SVAKA ZLOUPOTREBA SLJEDEĆA DOKUMENTA SE OGLAŠAVAJU NEVAŽEĆIM

Poštanska štedionica Bosne i Hercegovine oglašava nevažećim sljedeće dokumente:

1. Gavrankapetanović Dika, radna knjižica izdata od SO Novo Sarajevo (o-87/94)
2. Gaćanović Fikret, radna knjižica izdata od SO Novo Sarajevo. (so-87/94)

Fidani Nejmi, pasoš BHR 748017 od B. 5. 1991. izdat od SUP Sarajevo

- | | |
|--|------|
| Spahić Adila, radna knjižica izdata od SO Novo Sarajevo | 2011 |
| Trogranić Jelena, pasoš BHR 552259 izdat od SUP Sarajevo | 2012 |
| Trogranić Drago, pasoš BHR 204601 izdat od SUP Sarajevo | 2013 |
| | 2014 |

Ferušić Greta, pasoš BH 825711 od 26. 2. 1987. god. izdat od SUP Sarajevo	2015	Musabašić Enver, pasoš BHR 879619 od 1991. god. izdat od SUP Sarajevo	2060
Ferušić Seid, pasoš BH 535223 od 4. 11. 1985. izdat od SUP Sarajevo	2016	Želješki Boris, radna knjižica izdata od SO Prilep Makedonija	2061
Andić Bojan, pasoš BHR 025111 od 5. 8. 1988. god. izdat od SUP Sarajevo	2017	Karabeg Reuf, radna knjižica izdata od SO Jajce	2062
Salaković Fadil, pasoš BHR 646536 od 28. 1. 1991. god. izdat od SUP Sarajevo	2018	Kreso Fazila, pasoš BHR 312907 od 1989. god. izdat od SUP Sarajevo	2063
Hadžiselimović Vedad, indeks Mašinskog fakulteta Sarajevo br. 2740	2019	Minić Zeljko, pasoš BH 617077 izdat od SUP Sarajevo	2064
Rizvo Behija, čekovna karta br. 2110172 izdata od PB Sarajevo	2020	Rovčanin Muzafera, radna knjižica izdata od SO Prijepolje	2065
Českija Mladen, radna knjižica izdata od SO Centar Sarajevo	2021	Resić Enisa, pasoš BHR 632073 izdat 1990. god. od SUP Sarajevo	2066
Nikšić Adel, pasoš BHR 500702 izdat 1990. god. od SUP Sarajevo	2022	Pita Dževad, pasoš BH 296727 izdat od SUP Sarajevo	2067
Marić Mladen, radna knjižica izdata od SO Lopare	2023	Čampara Smail, pasoš BH 516830 od 12. 9. 1985. god. izdat od SUP Sarajevo	2068
Obrđalj Mladen, radna knjižica izdata od SO Centar sarajevo	2024	Dojčinović Dragoslav, radna knjižica izdata od SO Novo Sarajevo	2069
Mekić Deneta, radna knjižica izdata od SO Novi Grad Sarajevo	2025	Vejsilović Selma, radna knjižica izdata od SO Mrkonjić Grad	2070
Deretić Diana, pasoš BH 734152 od 19. 10. 1986. god. izdata od SUP Sarajevo	2026	Čovrk Zurijeta, radna knjižica izdata od SO Mrkonjić Grad	2071
Bijedić Behrudin, radna knjižica izdata od SO Stari Grad Sarajevo	2027	Kokeza Radojka, radna knjižica izdata od SO Mrkonjić Grad	2072
Vukobrat Zora, diploma Medicinskog fakulteta Sarajevo	2028	Galešić Ale, pasoš BH 414556 od 25. 4. 1990. god. izdat od SUP Sarajevo	2073
Stevanović Zoran, radna knjižica izdata od SO Stari Grad Sarajevo	2029	Krama Mensur, pasoš BHR 750538 izdat od SUP Sarajevo	2074
Fehrić Senad, indeks Ekonomskog fakulteta	2030	Salifendić Amila, radna knjižica izdata od SO Gračanica	2075
Subašić Fikret, radna knjižica izdata od SO Centar Sarajevo	2031	Sejdić Sead, pasoš BH 296600 od 6. 3. 1984. god. izdat od SUP Sarajevo	2076
Fazlić Indira, pasoš HO 434384 izdat od SUP Sarajevo	2032	Batinčić Ivan, pasoš BHR 589867 od 5. 10. 1990. god. izdat od SUP Sarajevo	2077
Novo Adnan, pasoš BHR 479784 od 20. 7. 1990. god. izdat od SUP Sarajevo	2033	Čaušević Mustafa, radna knjižica izdata od SO Stari Grad Sarajevo	2078
Frašto Senad, pasoš BH 719034 od 15. 10. 1986. god. izdat od SUP Sarajevo	2034	Suljavić Izet, radna knjižica izdata od SO Centar Sarajevo	2079
Bučo Nermina, pasoš BH 443270 izdat od SUP Sarajevo	2035	Leovac Branislav, pasoš BHR 591179 izdat 1990. god. od SUP Sarajevo	2080
Oruč Lilić, pasoš BH 373400 od 1984. god. izdat od SUP Sarajevo	2036	Sarić Sanin, ljekarsko uvjerenje o vojnoj sposobnosti izdato od Državne bolnice Sarajevo 23. 3. 1993. god.	2081
Šito Daria, pasoš BH 440033 od 8. 4. 1985. god. izdat od SUP Sarajevo	2037	Savanović Mirjana, pasoš BHR 269250 izdat 1990. god. od SUP Sarajevo	2082
Bašić Zoran, pasoš BHR 350295 izdat od SUP Sarajevo	2038	Milos Smiljan, pasoš BHR 139136 izdat 1989. god. od SUP Sarajevo	2083
Lukić Branislav, pasoš BHR 206496 izdat od SUP Sarajevo	2039	Remić Selma, radna knjižica izdata od SO Novo Sarajevo	2084
Šenderović Nemir, pasoš BHR 701943 izdat 1991. god. od SUP Sarajevo	2040	Taborin Zoran, pasoš BHR 204632 izdat od SUP Sarajevo	2085
Porobić Amra, radna knjižica izdata od SO Centar Sarajevo	2041	Mezbur Munira, pasoš BHR 499579 izdat od SUP Sarajevo	2086
Verbić Branislav, pasoš BH 324855 izdat od SUP Sarajevo	2042	Ivančević Nikola, pasoš br. 350616 izdat od SUP Sarajevo	2087
Kondžić Senada, pasoš BHR 631548 izdat 2. 11. 1990. god. od SUP Sarajevo	2043	Alihodžić Muhamed, pasoš BH 657270 od 21. 7. 1986. god. izdat od SUP Sarajevo	2088
Sjanić Zoran, pasoš BHR 632520 izdat od SUP Sarajevo	2044	Džurović-Alihodžić Sadeta, pasoš BH 439830 od 4. 3. 1985. god. izdat od SUP Sarajevo	2089
Velić Muhamed, čekovna karta br. 2101106 izdat od PBS KB Sarajevo	2045	Selmanagić Fahsin, pasoš BH 117920 izdat od SUP Sarajevo	2090
Saračević Kenan, pasoš BH 471945 izdat 1985. god. od SUP Sarajevo	2046	Kunovac Mujo, pasoš BHR 111110 izdat 1989. god. od SUP Sarajevo	2091
Lugušić Ibrahim, pasoš br. 0886 izdat od SUP Sarajevo	2047	Terzić Edin, pasoš BH 448073 izdat 1985. god. od SUP Sarajevo	2092
Ilić Margareta, čekovna karta br. 1101420 izdata od PB Sarajevo	2048	Klepo Mustafa, radna knjižica izdata od SO Centar Sarajevo	2093
Džoko Senadin, radna knjižica izdata od SO Goražde	2049	Hodžić Ul'eta, radna knjižica izdata od SO Stari Grad Sarajevo	2094
Dikić Mustafa, pasoš BH 736069 izdat 1986. god. od SUP Sarajevo	2050	Šipka Davor, pasoš BH 763218 izdat 8. 12. 1986. god. od SUP Sarajevo	2095
Dedić Edin, pasoš BHR 350914 izdat 1990. god. od SUP Sarajevo	2051	Pavlović Mario, radna knjižica izdata od SO Novo Sarajevo	2096
Grgić Branislav, pasoš BHR 646990 izdat 1991. god. od SUP Sarajevo	2052	Grgić Branislav, radna knjižica izdata od SO Centar Sarajevo	2097
Tomić Sretko, pasoš BH 675193 izdat 1991. god. od SUP Sarajevo	2053	Kišić Aljo, radna knjižica izdata od SO Novi Grad Sarajevo	2098
Ljubas Žarko, pasoš BH 763401 izdat 1986. god. od SUP Sarajevo	2054	Demirović Emir, pasoš BH 001144 izdat 15. 1. 1993. god. od SUP Sarajevo	2099
Ljujić-Mijatović Tatjana, radna knjižica izdata od SO Centar Sarajevo	2055	Demirović Smail, pasoš BH 001145 izdat 15. 1. 1993. god. od SUP Sarajevo	2100
Dupovac Senad, pasoš BH 321087 izdat 23. 5. 1984. god. od SUP Sarajevo	2056	Čaluk Bećir, pasoš BH 1019 izdat 1992. god. od SUP Sarajevo	2101
Borčak Ešref, pasoš BHR 874501 od 1991. god. izdat od SUP Sarajevo	2057	Šaran Dinko, pasoš BH 950247 izdat 1988. god. od SUP Sarajevo	2102
Krama Omer, pasoš BHR 303069 od 1989. god. izdat od SUP Sarajevo	2058	Topčić Fatima, diploma o završenom Farmaceutskom fakultetu Sarajevo br. 141/78	2103
Trninić Saša, radna knjižica izdata od SO Centar Sarajevo	2059	Nikšić Edin, službena legitimacija policije br. 75984 serijski br. A-076784 izdat od R.SUP RBiH	2104
		Pujagić Emira, diploma Više Medicinske škole Sarajevo	2105
		Spahić Aida, radna knjižica izdata od SO Centar Sarajevo	2106
		Remić Selma, radna knjižica izdata od SO Novo Sarajevo	2107
		Vojniković Benjamin, indeks Pravnog fakulteta Sarajevo	2108
		Šenarević Šemsudin, pasoš BH 617611 izdat od SUP Sarajevo	2109

SADRŽAJ

- | | | | | |
|-----|--|-----|---|---|
| 127 | Ustavni zakon o izmjenama i dopunama Ustava Republike Bosne i Hercegovine | 113 | 147 | Odluka o obustavi od izvršenja člana 1, stav 2. Odluke Skupštine okruga Tuzla o osnivanju Defektološkog fakulteta |
| 128 | Zakon o ratifikaciji preliminarog sporazuma o osnivanju konfederacije između Federacije Bosne i Hercegovine i Republike Hrvatske | 114 | 148 | Rješenje o imenovanju sekretara Ministarstva unutrašnjih poslova |
| 129 | Zakon o ratifikaciji sporazuma o prihvatanju prijedloga Ustava Federacije Bosne i Hercegovine i preliminarog sporazuma u vezi buduće ekonomske i vojne saradnje između Federacije Bosne i Hercegovine i Republike Hrvatske | 116 | 149 | Naredba o određivanju zdravstvene ustanove u kojoj će se izvršavati mjera bezbjednosti obaveznog psihijatrijskog liječenja |
| 130 | Odluka o prihvatanju Sporazuma o usvajanju prijedloga Ustava Federacije Bosne i Hercegovine | 117 | 150 | Naredba o određivanju zdravstvene ustanove u kojoj će se izvršavati mjera bezbjednosti obaveznog psihijatrijskog liječenja |
| 131 | Zaključak Skupštine Republike Bosne i Hercegovine | 117 | 151 | Pravilnik o provođenju šumskog reda u šumama u državnom vlasništvu |
| 132 | Izjava Skupštine Republike Bosne i Hercegovine da podržava stavove skupštine građana srpske nacionalnosti u Bosni i Hercegovini o nastavku mirovnih pregovora o Bosni i Hercegovini | 117 | 152 | Pravilnik o zadacima i načinu obavljanja dužnosti čuvanja šuma, načinu odijevanja i oznakama, te obliku i sadržaju legitimacije čuvara šuma |
| 133 | Izjava o ratifikaciji vašingtonskih sporazuma usvojenih na zasjedanju Skupštine Republike Bosne i Hercegovine | 117 | | Ispravka Uredbe sa zakonskom snagom o Vladi Republike Bosne i Hercegovine |
| 134 | Uredba sa zakonskom snagom o raseljenim licima i izbjeglicama | 117 | USTAVNI SUD BOSNE I HERCEGOVINE | |
| 135 | Uredba sa zakonskom snagom o humanitarnoj pomoći | 120 | Odluka o utvrđivanju da odredba člana 16. stav 2. Uredbe sa zakonskom snagom o pravu na izuzetnu penziju za vrijeme ratnog stanja ("Službeni list RBiH", broj 13/93), nije u saglasnosti sa Ustavom Republike Bosne i Hercegovine | |
| 136 | Uredba sa zakonskom snagom o proglašenju 6. aprila-travnja Danom međunarodnog priznanja Republike Bosne i Hercegovine | 122 | DRŽAVNI ZAVOD ZA STATISTIKU BOSNE I HERCEGOVINE | |
| 137 | Odluka o razrješenju sudija redovnih sudova | 122 | Koeficijenti rasta cijena i koeficijenti rasta troškova života u RBiH u februaru/veljači 1994. godine | |
| 138 | Odluka o imenovanju ratnih predsjedništava Skupštine opštine Bosanska Dubica, Čelinac, Prnjavor, Kotor Varoš i Bosanska Gradiška | 122 | Koeficijenti rasta cijena i koeficijenti rasta troškova života u RBiH u martu/ožujku 1994. godine | |
| 139 | Odluka o imenovanju Ratnog predsjedništva Skupštine opštine Čelić | 123 | Saopštenje - saopćenje o prosječnom čistom ličnom/osobnom dohotku ostvarenom u 1993. godini u Republici Bosni i Hercegovini | |
| 140 | Odluka o razrješenju zamjenika osnovnog javnog tužioca I u Sarajevu | 123 | Saopštenje - saopćenje o prosječnom mjesečnom čistom ličnom/osobnom dohotku za januar/siječanj 1994. godine | |
| 141 | Odluka o razrješenju i izboru predsjednika Ratnog predsjedništva opštine Mostar i izbor predsjednika Predsjedništva Okruga Mostar | 123 | Saopštenje - saopćenje o prosječnoj bruto zaradi odnosno plati zaposlenih u Republici BiH u 1993. godini | |
| 142 | Odluka o prometu za strana sredstva plaćanja i određivanju maksimalne cijene naftnih derivata u Republici Bosni i Hercegovini | 123 | NARODNA BANKA BOSNE I HERCEGOVINE | |
| 143 | Odluka o prioritetima u snabdijevanju električnom energijom | 124 | Odluka o izmjeni Odluke o utvrđivanju visine minimalnog iznosa osnivačkog fonda Banke | |
| 144 | Odluka o dopunskim sredstvima opštinama i gradu Sarajevu za period januar-mart 1994. godine | 125 | ZADRUŽNI SAVEZ BOSNE I HERCEGOVINE | |
| 145 | Odluka o dodjeli i korištenju detašmana u Saveznoj Republici Njemačkoj | 125 | Odluka o utvrđivanju osnovice i stope članskog doprinosa, načinu i rokovima plaćanja doprinosa Zadrudnom savezu Bosne i Hercegovine za 1994. godinu | |
| 146 | Odluka o obustavi od izvršenja člana 1. stav 1. Odluke Skupštine Okruga Tuzla o osnivanju Filozofskog fakulteta | 126 | | |